

Sargassum a bira un problema pa sector hotelero



Pagina 3

- Grondbelasting
a baha pa 28
mil hende

Pagina 11

- Oxfam:
critica contra
eliminacion di
Aruba di lista
preto

Pagina 2

- Tres hues
nobo pa St.
Maarten

Pagina 9

Duncan Laurence a trece titulo di Eurovision pa Hulanda



Pagina 9



Pagina 12

Chauffeur deteni



Pagina 20

Weekend di
Ronde van Aruba

Titi Tromp di Grupo Uni:

‘Hendenan grandi mester haci diferente actividad den tempo liber’



ORANJESTAD – Tur persona cu ta bira hende grandi mester tin un calidad di bida, pa motibo cu nan mester fomenta e embebecemento activo, y asina potencia e participacion di integracion di e hendenan grandi den comunidad, como tambe stimula e mantenimiento activo, tanto na nivel fisico como psicologico.

Grupo Uni ta un grupo di hendenan grandi cu a ser crea na aña 1978. Ta trata un directiva di un comision di mayornan y un comision di sede di barrio Noord. E grupo tabata consisti di nueve persona, cu na e momentonan ey a crea e organisacion, y su meta tabata pa saca e hendenan grandi cu tabata isola for di nan cas.

Bon Dia Aruba a haci un entrevista cu un representante di e Grupo Uni, sra. Titi Tromp. El a splica cu e tempo ey, hende muhe grandinan no tabata bay pa niun caminda, su trabou tabata pa haci trabou den cushina, haci e cas limpi... pero nan no tabatin ni un sorto di distraccion of actividadnan pa haci.

Tromp a comenta cu despues e grupo a bira mas grandi y a yega te 25 hende. Nan tabata reuni tur diaranson mainta na e sedenan di barrio, e actividadnan tabata trata di bishita hospital, balia, canta, of haci comedia, pa entretene nan mes y haci bida mas activo.

Di mesun manera, el a bisa cu prome e grupo tabata yama Coffie Morgen, y despues nan a cambia su nomber pa Grupo Uni. Tambe el a expresa cu tur diaranson cada 15 dia nan mester bay e sede di barrio Noord pa haci su actividadnan.

Na cuminsamento, Tromp a bisa cu nan no tabata paga nada, pero despues nan a pensa cu nan tabata mester di placa pa e grupo su mantencion y contribucion pa su actividadnan. Cu esey nan tabata haci bono di Pasco, y nan tabata spaar pa asina nan por biaha. El a manifesta cu nan como Grupo Uni a biaha hopi mes pa varios pais, como por chempel hunga comedia na Corsou, show na Boneiro, tambe nan tabata haci comedia na hotelnan y Cas di Cultura.

Na e momentonan aki, Tromp a expresa cu e grupo no tin hopi reunion. Esaki pa motibo cu su integrantes a bira basta grandi. E grupo a celebra su di 40 aniversario aña pasa, el a sigura cu su experiencia tabata hopi bon, ‘nos a pasa hopi dushi, nos a haci hopi actividad’.

Na e momentonan aki, e coordinador di e grupo ta Sra. Edna Zievinger cu sra. Carmen Frans. Nan tin un comision encarga cu distinto eventonan di e comunidad, como un comision di Carnaval, Comision di Aniversario di Grupo Uni, Comision di Mama y ainda mas.

Tur e comisionnan aki consisti di 3 of 4 persona, kende ta haci na nan manera pa e actividadnan. Tromp a informa cu e aña aki, el a sali como Mama di Grupo. “Nan ta uni, nan ta traha bon pa tur e hendenan grandi.”

Aworaki ta existi varios grupo di hendenan grandi den diferente districto di e comunidad, por chempel, e Grupo Uni y otro na Kibrahacha, unda e hendenan grandi por bay, siña algo, haci obra di man. Ademas, nan ta haci varios actividad pa hendenan grandi no keda cera na cas sin haci nada, y asina nan por desaroya formanan nobo pa ocupa nan mente y nan tempo liber, pa no perde sentido di comunidad y di bida mes.



Sargassum a bira un problema pa sector hotelero

ORANJESTAD – Un situacion cu ta bira un problema pa nos sector hotelero tin di haber cu e presencia di sargassum, yerba of alga di lama den nos beachnan.

Daniel Aguire, kende ta miembro di e comision di medio ambiente di AHATA, a declara na Bon Dia Aruba cu nan por a obtene informacion valioso for di prome fuente riba con e sector hotelero ta confronta e problema di sargassum. E tabata un di e representantenan di e organisacion no gubernamental cu a atende e conferencia di e sub comision intergubernamental oceanografico di Caribe (IOCARIBE), cu a tuma luga recientemente na Aruba.

Actualmente, Bonaire ta lidiando cu e problema di yerba di lama. Pero no mester bay asina leu, ya cu durante nan training pa monitor sargassum, nan a haya un gran cantidad na Arashi mes. E cantidad no tabata uno alarmante, pero si nan por a monitor y identifica cu cantidad di sargassum cu ta drif for di Bonaire bin Aruba.



Un aspecto cu a hala atencion di e 45 expertonan cu a participa den e conferencia di IOCARIBE, como comunidad cientifico ta purbando di ataca e problema di sargassum for di rais y kico ta pasando y for di unda e ta bin. El a expresa su satisfaccion cu nan por haya experto di Francia cu ta yuda nos den e area aki, pa atende cu e fenomeno di sargassum, cu nos ta experienciando un

crecimiento grandi. Tambe experto di Brasil, cu ta confrontando e problema aki.

Tambe nan a haya presentacion y training pa monitor sargassum den Caribe. “Nos a haya acceso na cierto website special cu nos por premira cu e sargassum ta biniendo,” el a declara. Durante e seccion aki nan por a ripara cu otro destino turistico den nos region ta bin



hayando cantidad di yerba di lama.

“Tur esaki ta permiti nos di por ta alerta y cu nos por prepara pa actua debidamente y asina nos por haci algo...” E ta considera cu un conferencia asina tin un gran balor pa nos comunidad local, pa tin acceso na informacion confiable y actualisa. Aunke nos ta bayendo riba bon caminda, e

ta lamenta cu pais di Centro America cu costa den lama Caribe ta pone mas atencion riba investigacion cu tin di haber cu agricultura, y no den lama. E ta haya cu nos hobennan estudiante por enfoca mas riba e tipo di carera cu tin di haber cu lama, ya cu ‘nos ta biba for di dje.’ Pero durante e ultimo dos añanan, nan ta bin hayando cantidad di sargassum, y e no ta un excepcion pa Aruba tampoco. Un caso tin di haber cu e costa di Quintana Roo na Mexico, cu a haya 80km di yerba di lama pa 3 meter halto. “Bo por imagina con dificil esaki por ta! Nan mester deal cu miyones di ton di e sargassum y e ta bira tambe un problema di sanidad publico,” el a bisa. Nan ta buscando e manera di converti e cantidad di yerba di lama den algo positivo ya sea traha un tipo di oil of fertilisante pasobra e ta un materia organico.

Manera e potretnan adunto ta ilustra, Departamento di Obran Publico (DOW) a realisa, entre 9 y 17 di mei ultimo, limpieza di sargassum cu a yega na costa di Aruba; especificamente panort di Arashi.

Oxfam ta critica eliminacion di Aruba di lista preto di ‘tax havens’

(Oxfam.org) - Segun e institucion Britanico di cooperacion internacional, Oxfam International, e ministronan di Union Europeo a kita e teritorionan Britanico Bermuda y Barbados, y e teritorio Hulandes Aruba di e lista preto di UE di ‘tax havens’ sin cu esaki tabata hustifica.

Chiara Putaturo, Oxfam su asesor di politica di UE riba impuesto y desigualdad, a bisa:

“Gobiernonan di EU - atrobe - a laga atrobe algun di e tax havens mas malo ‘off the hook’. E reforman acorda pa Bermuda, Barbados y Aruba lo no stop nan di opera como tax havens. Nan lo continua ofreciendo regimen fiscal agresivo y ‘corporate tax rates’ (winstbelasting) hopi abao o hasta cero, cu ta facilita evasion na gran escala di impuesto y lo encurasha un competencia dañino den direccion di e nivel mas abao di winstbelasting.

“EU mester hisa su criterionan y ‘blacklist’ tur hurisdiccion cu ta ofrece tasa hopi abao of cero mes di winstbelasting. Tax havens ta horta di paisnan na Europa y di henter mundo den desaroyo e entradanan di impuesto cu nan mester pa inverti den servicio publico manera scol y clinica, y ta hende comun y coriente - particular hende muhe - cu ta pagando e prijs.”

E ministronan di finanzas Europeo a kita na maart ultimo e tax havensnan di Panama, Hong Kong, Isle of Man, Guernsey y Jersey di e lista preto y e lista ‘shinishi’ di UE.

Bermuda, Barbados y Aruba a sali di e lista preto, pero Bermuda y Barbados a keda riba e lista shinishi (anticipando cumplimento), mientras Aruba a sali di ambos lista.

E informe di Oxfam yama “Off the Hook” publica na maart 2019, ta splica pakico e proceso di pone riba lista preto no ta apto y ta yuda favorece cierto di e tax havens

di mundo.

‘Off the Hook’ a haya tambe cu cinco estado miembro di UE, Cyprus, Irlanda, Luxemburg, Malta y Hulanda, lo mester aparece riba e listanan di UE di tax havens, si aplica e criterio di UE na nan.

Parlamento Europeo a haci

un yamado na Comision Europeo pa formalmente reconoce e cinco miembronan aki di UE como tax haven.

Comision Europeo o y Parlamento Europeo a pusha pa bin cu formanan fiscal mas progresista den ultimo añanan. Sin embargo, e estadonan miembro a nenga consis-

tentamente di acorda reforman necesario, incluyendo propuestanan pa harmonisa reglanan fiscal den henter UE (un base comun di impuesto riba ganashi consolida) o medida diseña pa aumenta transparencia di impuesto riba ganashi (reportahe publico di pais pa pais).



Derecho humano pa tur, incluyendo esnan cu limitacion



ORANJESTAD – Mayornan kier pa nan yiunan cu tin **síndrome di Down, autismo of cuálcuer limitacion, por tin e mesun derecho cu tur otro. Pa e motibo aki, a punta Stichting Voor Verstandelijk Gehandicapten Aruba (SVGA) pa wak con e proceso pa personanan cu limitacion ta bayendo.**

Gisela Polo di e fundacion, a splica cu e asunto di inclusion ta asunto di ley. E sistema di enseñansa ta hinca den otro di un forma pa bay na inclusion, pero ta referi na tratado internacional cu tin cu persona cu limitacion. Muchanan cu ta regular ta depende di nan inteligencia si nan ta bay over.

E ta splica cu tin un tratado cu Nacionnan Uni y Hulanda di 2016, cual ta bisa cu ta duna derecho na hende cu limitacion, pues, e meta di e tratado ta pa tin participacion mas tanto den comunidad y riba tereno profesional.

Pues esaki ta nifica cu persona cu limitacion tin derecho pa participa den tur area di comunidad, vivienda, educacion y cuido, tambe labor. Hunto cu otro fundacion, SVGA ta boga pa añanan caba pa persona cu limitacion, pa gobierno ratifica e tratado ey.

Nan a duna gobierno tur tratado pa asina por ratifica esakinan. Polo ta bisa cu inclusion ta un derecho humano. Como gobierno di un pais, para pa derecho di humano tambe ta para pa persona cu cuálcuer tipo di limitacion.

Sinembargo, e ta bisa cu inclusion ta importante y basico. Den e proceso pa logra esey, tambe nan ta traha pa trece e fundacion dilanti cu e proposito di keda conscientisa gobierno pa haci algo riba e tereno ey.

Nan a papia di derecho di mucha, cu ta den tur area. Na scol, trabou, e parti recreativo, pero tambe salud. Seguro AZV ta cubri locual ta trata 12 sesion di terapia pa aña, pero pa un mucha cu ta handicap, cu no ta cana eficiente, 12 sesion no ta suficiente. E ta algo cu e mester haci pa bida largo, pa keda mantene y no haya contraccion cune, pero esey no ta ahusta.

SVGA kier pa e tipo di leyman pa muchanan special cay abou di derecho di mucha cu gobierno a rectifica. “Den bo leyman, bo muchanan ta cay bou e ley tratado di mucha, awo tin cu bay ahusta pa tur mucha handicap...limita, nan tambe ta inclui den derecho di mucha.”

E Crisis Plan Social kier duna siguridad pa tur muchanan Aruba. Por ehempel, si un mucha di nan fundacion no ta den un situacion faborabel na cas, ni Imelda Hof ni Casa Cuna ta tuma nan, pero awo den e Crisis Plan Social lo ta ‘opgenomen’ cu mester tin un cas pa mucha handicap, y un cas cu ta mobil pero tin un ‘verstandelijk beperking’.

Esey ta pone cu tin un chens den situacion cu mucha ta for di cas. “Aunke esey ta unico cos cu bo kier haci, pasobra semper bo kier pa e mucha ta na cas cu su mayornan. Pero si no tin otro opcion, e cas ta bin, anto esey ta pa e Crisis Plan.” Sinembargo e ta agrega cu e situacion por ta un fastioso. Te awo mucha tabata keda na famia, tin par ta bay Corsou. E ta comparti cu esey ta un proceso largo pero na Aruba no tabatin opcion dus tin caso cu mucha ta keda den un situacion erg.

Inclusion riba tur tereno: scol, cuido, tin trabou pa haci. Adulto no ta cay afo; nos ta papia di vivienda propio, cuido di polis of proteccion. Persona cu tin limitacion manera down syndrome ta hopi biaha victima di abuso sexual.

Den e parti di labor pa e adulto. Un persona tin 18 aña ta traha cu salario minimo y mester ahusta na e sistema di labor cu e apart cu e tin di capacidad, no 100% pero e persona cu por traha 50% su salario bogando pa uitkering acopla na dje.

E ta bibando den su propio cas, loke ta nifica cu “e por haci tur cosnan y entrada di tur e responsabilidnan. Esey no ta rectifica ainda, pero tin un plataforma a pone tur esaki riba papel pa presenta gobierno pa por rectifica pa adulto e leyman”, el a finalisa bisa.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Leo Maduro (hefe de redaccion)
Nicola Gonzalez (redactor ehecutivo)
Pilar Flores (redactor ehecutivo)

Redaccion

Benjamin Romero
Kenna Hernandez
Andreina Morillo

Departamento Digital

Cristian Soto Garcia

Ehecutivo di Benta

Sulaika Croes

email: sulaika.croes@cspnv.com

Linda Reijnders

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza
email: accounting@bondia.com

Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Yakari Gabriel
Associated Press
Ret Karibense
Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Cambionan cosmetico den LAft...

No ta kita supervision Hulandes...

Aki un siman porfin lo trata e cambionan den e ley (LAft) cu ta regla supervision financiero di Reino riba presupuesto y su ehecucion di banda di gobierno di Aruba. Despues di bastante tardanza, awor tin un proyecto di ley na parlamento pa efectua e cambionan palabra entre gobierno di Aruba y gobierno di Hulanda. Inicialmente e intencion tabata pa termina e cambionan prome cu fin di 2018, pa evita cu no tin un ley na vigor cuminsando aña 2019 pa e periodo nos dilanti. Nos a comenta caba riba e insatisfaccion cu tin den parlamento pa e cambionan cu gobierno a acorda cu Hulanda y poni den e protocol firma november aña pasa, pero awor a bira mas conoci kico ta e cambionan cu lo propone den e tratamiento publico di e ley dia 27 di mei proximo.

Den un amienda, cu no ta conoci te den detalles ainda, lo trece cambio den e ley pa loke ta e deficiencianan cu Raad van Advies a señala varios biaha, asina leu cu esey ta posible. Nos ta bisa asina leu cu ta posible, pasobra loke no por cambia ta e realidad cu tin un ley di Aruba, cu ta duna facultad ('bevoegdheid') y obligacion na organo cu no ta pertenece na Aruba, sino na Hulanda/Reino. E amiendan an pues no ta deshaci di e ley, pero ta purba remedia algun asunto den e actual ley, cambionan meramente cosmetico, cu por sirbi pa satisface cierto parlamentarionan.

Kico e cambionan ta? Si nos a scucha bon, ta trata di e secuencia di accion den e proceso despues cu e cambio di ley keda aproba. E idea ta pa gobernador no firma e proyecto di ley aproba, pero haci esaki despues cu e proceso di revision via CAft y Consejo di Ministro di Reino a tuma lugar. Pero aki nos ta topa cu un problema grandi: ken a bisa cu parlamento di Aruba tin e potestad di defini tarea y facultadnan di e Gobernador, cu ta regla den Statuut, Constitucion y Reglamento di Gobernador? Si acaso cos yega asina leu mes cu ta aproba tal asunto, lo mas probable ta cu Gobernador lo haci uso di su facultadnan stipula den Reglamento di Gobernador (articulo 21) y lo mand'e pa Rey (lesa: gobierno di Reino) pa 'vernietiging' pasobra parlamento di Aruba ta purba regla instruccion na Gobernador den un ley local, loke absolutamente no por. Ta purba denuncia cu e ley (LAft) ta contra Constitucion y Statuut y seguidamente ta propone algo cu tambe ta contra e leyman mas halto aki... Ta ken ta sinta pensa e cosnan aki?

Aki nos ta bay den mesun direccion malo cu

nos ta caba cu e ley aki, unda ta duna facultad y obligacion na organo di Hulanda y Reino pa loke ta e supervision, algo cu corectamente Raad van Advies a señala cu no ta posible pa regla esakinan den un ley local. Loke ta e argumentacion cu mester sigui ta(bata) cu ta bisa cu esakinan ta cos cu bo pa principio caba no por regla den un ley local. E unico manera pa haci esaki ta regla e 'hoger toezicht' aki den un ley di Reino, punto. Cu e move cu ta anticipando awor nos ta mira cu parlamento ta bay cay den e mesun trampa cu Hulanda y Aruba a cay aden na 2015, unda den e afan, mas tanto di gobierno di Aruba, pa evita imposicion di un ley na nivel di Reino cu ta e unico manera drechi pa regla e asunto aki, cu ta un asunto di supervision na nivel di Reino. Ta pesey tambe e supervision riba Curaçao y St. Maarten ta regla den un ley di Reino. Tur e maniobranan parlamentario ta duna e impresion cu e fraccionnan den parlamento cu ta sostene e tipo di pensamiento aki, realmente kier deshaci di e ley y pesey ta busca problema cu Hulanda. Nan ta haya cu e maneho financiero bao di e actual gabinete a cambia drasticamente caba y cu nan por sigui goberna cu nan 'Begrotingskamer' den cual Hulanda no tin participacion. Sin embargo, Hulanda a laga sa bon cla cu lo tin supervision di Reino pa cierto tempo ainda, te nos cumpli cu e criterionan stipula y acepta pa actual gobierno di Aruba. Esey ta poni den e protocol di november 2018.

Kico por ta consecuencia di tur esaki? Cu gobierno tin un problema grandi, pasobra si loke sucede den parlamento no ta di agrado di Hulanda, nan lo confronta gobierno, no parlamento, cu e alternativa di laga e ley pa su cuenta y hinca e supervision na unda e tabata mester ta na prome lugar, esta den un ley di Reino, y ni sikiera un ley di 'consenso' manera den e caso di Curaçao y St. Maarten, pasobra Reino no mester di consenso pa por impone medida...

No ta na gobierno ni Staten di Aruba pa dici ki dia no tin supervision financiero mas. Si ta tanto problema nan tin cu e supervision, laga nan yuda gobierno cumpli mas pronto posible cu e criterionan poni pa por restablece autonomia financiero di Aruba. Buscando guera cu nan no por gana, sigur nan no ta bay logra esey.

Argentina: Cristina Fernández de Kirchner postula pa vice presidente



BUENOS AIRES (El Pais) - Cristina Fernández de Kirchner lo ta candidata. Pero no pa e presidencia di e Republica di Argen-

tina, sino pa e vice-presidencia. E lo sigui Alberto Fernandez, cu tabata hefe di gabinete durante e mandato di Néstor Kirchner y tambe, durante un

aña, bou Cristina Fernandez mes.

E ex presidente a haci un inespera y inusual anuncio via Twitter. Pa prome biaha den historia, tabata e aspirante pa e vicepresidencia un persona kende a anuncia un candidatura presidencial. Alberto Fernandez lo papia pa prome biaha como aspirante awe di aluna na Santa Cruz, provincia patagonico di Kirchner.

Alberto Fernandez a utiliza radio y rednan social pa splica cu su hefe antiguo a convoca y a haci e proposicion di e formula Fernandez-Fernandez

diaranson pasa, cual el a acepta di biaha. Tambe a traves di e rednan el a declara dispuesto pa traha y 'regresa e dignidad pa miyones di Argentino y Argentina cu e gobierno aki a hundi den marginalidad y pobreza'.

Presidente Mauricio Macri, candidato mas probabel pa e reeleccion, a reacciona pa e anuncio sin menciona e sorprendente candidatura: "Bolbe na e pasado lo destrui nos mes", el a bisa.

Ex-presidente Fernandez lo sinta pa prome biaha dilanti un tribunal e proximo diamars, den un causa cu ta investiga un red di presunto

corupcion cu tin vinculo cu e contractnan di obra publico durante su gobierno. Na total, ta dies expediente cu ta hiba su nomber, cinco di nan ta cla pa e huicio oral, e huesnan a termina cu e etapa di instruccion y ta falta so cu un tribunal lo husga y dicta e sentencia. Hues Claudio Bonadio ta hiba ocho di e dies expediente. Den e transcurso di e investigacionnan, e magistrado a pidi cinco biaha e prizon preventivo pa Cristina Fernandez, pero e Senado a nenga di kita e fuero cu e tin como legislador, cual ta permiti pa e sigui den libertad.

Bolivia: Entre polemica, Evo Morales a lansa su candidatura pa presidencia

LA PAZ (Infobae) - Evo Morales a cuminsa diasabra pasa su campaña electoral, cerca di e comicio nacional cu lo tuma luga na october na Bolivia, cu un concentracion grandi di siguidonan, na aeropuerto di Chimore, luga unda varios aña pasa tabata opera un base militar Mericano.

E gobernante di Movimiento al Socialismo (MAS) a presenta e duo di Morales y e vice-presidente di e pais, Alvaro Garcia Linera, meymey di un fiesta grandi cu banderanan y cantica cu alusion pa e candidatura ey.

E mandatario a manifesta cu



a dicidi di presenta su candidatura pa opta pa e Gobierno di e pais pa e proximo cinco aña, pa termina cu e "obranan grandi" cu a cuminsa, y

tambe pa motibo cu e ta sinti "forsa" pa consolida loka el a considera e liberacion di Bolivia "pa bida henter".

E pilarnan di e gestion di

Morales a pasa na reforma politica di inclusion, e nacionalisacion di hidrocarburo y e proyecto di industrialisacion cu awo ta busca pa consolida.

E asistencia masivo pa e acto a ser poni den duda pa varios sector di oposicion, cu a sigura cu e partido gobernante a obliga e funcionarionan di Estado pa acudi, pa surpasa e expectativa di asistencia.

Prome di e discurso di Morales, tabatin un ceremonia religioso organisa pa algun iglesia evangelico, cu a realiza plegaria y a bendeci su candidatura.

E candidatura di Morales ta considera como ilegal pa e oposicion y movimiento ciudadano na Bolivia, pa no cumpli cu e limite constitucional di e di dos mandato consecutivo y e resultado di e referendum di aña 2016 cu a rechasa e eleccion.

Mexico: Miles di persona a marcha contra aborto

CIUDAD DE MEXICO (France24/CulturaColectiva) - Miles di persona a marcha na Ciudad de Mexico contra e aborto cu ta legalisa na capital, manifestando pa tur persona tin derecho di bida desde concepcion te e morto natural.

Bou e lema "Uni pa bida", e marcha organisa pa e plataforma Paso pa Bida y integra pa famianan, legislado, organizacion civil y grupo religioso, a inicia na e Monumento pa Mama, simbolico pa e ocasion, y a conclui dilanti di e Congreso di e Ciudad de Mexico.

Desde e sitio legislativo unda a despenalisa aborto na Ciudad de Mexico, diputado di varios partido politico a haci un pronunciamento en contra di e interrupcion di embarazo.



E legisladonan a exige e retiro di 24 iniciativa cu ta existi na diferente congreso di e pais, y

cu lo promove e leyman dedica pa protegi bida.

Aunke e interrupcion di embarazo ta legal na e capital Mexicano desde 2007, no tur

e estadonan tin e mesun ley. Aborto ta un procedemento hopi restringi den e mayoria di e entidad Mexicano, cu a ser hiba di manera clandestina.

Guanajuato y Queretaro ta conta cu un legislacion mas estricto, incluso den e caso di violacion.

E alerta ambiental cu e capital tabatin pa contaminacion, no a detene e miles di protestante cu a sali riba caya, aunke e autoridadnan a recomenda cu na e mesun siman no por haci actividadnan pafo, pa e calidad di aire malo. E emergencia ey a ser suspendi e dia anterior pa via di e mehoracion di dispersion di e contaminante.

Presidente Andres Manuel Lopez Obrador a manifesta su mes na favor di realiza un posibel consulta popular tocante aborto legal, pero e tema aki no tin apoyo ni den su mesun partido Morena, generando diferente postura riba e interrupcion legal di e embarazo.

Cuba: Tres morto y 23 herido den accidente riba Malecon

HAVANA (CiberCuba/ElNuevoDia) – Un di e popular autonan antiguo, conoci como “almen-drones”, a causa diadomingo marduga un accidente serio riba Malecon di Habana, den cual tres persona a perde nan bida y 23 persona a keda herida.

Emisora oficial Radio Reloj na Cuba a duna e noticia di e accidente, den cual tambe tabatin tres mucha herida. Entre e personanan herida tin tambe dos stranhero cu fractura di hueso.

E accidente a sucede na e cruzada di avenida 23 y Malecon, un sector hopi popular entre Cubanonan pa pasa nochi



den fin di siman. Den e parti aki famianan completo ta keiro riba Malecon o ta sinta pa

conversa.

Autoridadnan di salud a confirma cu a fayece tres persona

como resultado di e accidente, ora banda di 12:30 un auto antiguo a perde control y a

subi acera y a dal den e multitud na e lugar.

Accidente di trafico ta di cinco causa di morto na Cuba, unda na 2018 a registra 10.070 accidente cu a laga un saldo di 683 morto y 7.730 herido, cu un frecuencia di un accidente cada 52 minuut, segun dato di Comision Nacional di Seguridad di Trafico.

Durante inspeccion obligatorio realisa na 2018 a detecta “deficiencia tecnico” na 44 % di e autonan controla (63.966), principalmente na sistema di brake, stuur, y luz. Ademas a revoca mas di 36.000 permiso di vehiculo cu no tabatin nan revision tecnico na orden.

Venezuela: Tin seis siman sin importa gasolin

CARACAS (LaPatilla/Reuters) - Segun agencia di noticia Reuters, citando fuente dentro di e empresa, Pdvsa no a importa un carga di gasolin desde 31 di maart pasa. Esey lo por splica e actual escasez di gasolin na e stacionnan di servicio den por lo menos 18 estado den henter teritorio nacional.

Di e cuatro refinerianan cu e pais tin, tres ta paralisa completamente na e momento aki: Cardon, Puerto La Cruz y El Palito. E refineria mas grandi, Amuay, ta procesando alrededor di 100.000 bari pa



dia (bpd) di crudo, algo mas cu 10% di su capacidad instala. Hunto e refinerianan Venezolano tin un capacidad

di procesa 1,27 miyon bari pa dia.

E consumo di gasolin, cu ta-

bata na 300.000 bpd na 2012, a cay te na 120.000 bpd actualmente. Normalmente e pais por produci tur gasolin necesario, pero actualmente mester importa esaki, pero no tin divisa pa cubri e compra.

E paralisacion ta sucede na momento cu Pdvsa ta na su nivel mas abao di produccion di crudo di ultimo 70 aña, y e regimen di Maduro a opta pa manda mayor parti di produccion di crudo pa exterior pa paga debe cu China y Rusia, lagando e refinerianan sin suficiente crudo pa opera.

E importacion di Pdvsa di

nafta y diluyente, cu ta mezcla cu e crudo extrapisa di Orinoco pa exportacion, a cay te na 86.000 bpd den prome quincena di mei, casi un tercio di e nivel promedio na april, segun documento interno di Pdvsa y datonan di Refinitiv Eikon, cu Reuters ta cita.

Pdvsa ta bisa oficialmente cu e escasez ta causa pa contratiempo menor di distribucion, manera trucknan dañá, cu nan ta remediando rapidamente. Diasabra pasa a califica e noticianan di escasez como “fake news” pero a aparece un cantidad di potret y video pa muestra lo contrario.

Venezuela: Mediacion ta pa Maduro sali di poder

CARACAS (LaPatilla) – **Presidente interino, Juan Guaido, a declara diasabra pasa na prensa cu cualkier iniciativa internacional pa resolve crisis politico Venezolano, manera esun proponi na Noruega, mester conduci na e salida di poder di e dictador Nicolas Maduro, y eleccion nobo.**

“Nos ta gradici pa tur e esfuersonan pero aki nos ta cla y nan no ta bay confundi nos,” Guaido a indica, sigurando cu nan a responde positivamente riba e invitacion di Noruega pa “yega mas cerca na solucionnan cu ta bay via e cese di usurpacion, gobierno di transicion y eleccionliber.” E lider opositor a sigura, ademas, cu e regimen ta “asina debil” cu “nan kier a manipula nos cu un dialogo; nos a bay riba invitacion di un pais



amigo manera Noruega.” Durante un acto na Guatire,

el a pidi pa sigui avansa den e unico direccion cu oposi-

cion ta canando: “gobierno di transicion y eleccion liber.

“E dictadura ta derota, ban konkista democracia (...) A yega e momento di avansa pa logra libertad,” el a añadi. Diasabra pasa Guaido el a encabesa un manifestacion na Guarenas, cerca di Caracas. Despues di e evento, gruponan chikito di opositor y Chavista a grita consigna riba caya, sin cu tabatin enfrentamento fisico entre nan.

Diahuebs pasa Guaido a revela e contactonan y a confirma cu tabata e di dos biaha cu Noruega a invita su representantenan y esunnan di Maduro, cu ken e ta hibando un bataya di casi cuatro luna na Venezuela, cu ta hundi den e crisis mas grave di su existencia, den e ultimo siman tambe cu un escasez serio di gasolin y diesel, cu filanan di mas di un dia na varios parti di e pais.

Michèle Russel-Capriles gobernador interino nobo na Corsou



WILLEMSTAD – Sra. Michèle Russel-Capriles ta e proximo gobernador interino na Corsou. Riba recomendacion di prome ministro di Corsou, Eugène Rhuggenaath y conseho di ministro di e isla, conseho di ministro di Reino a aproba e proposicion haci. E nombramento ta drenta na vigor 1 di juni 2019, inmediatamente despues di vencimento di e periodo di e actual gobernador interino, sra. Römer-Kenepa.

Sra. Russel-Capriles a ocupa durante su carera varios posicion na nivel di directiva, demostrando su nivel di conocimiento di e tereno politico-gubernamental den cual e lo bay funciona. Tambe e tabatin un contribucion extenso den diferente proyecto social, principalmente den area di arte, cultura y educacion. Su envolvimento estrecho cu ‘Prins Bernhard Cultuurfonds’ y museo cultural-historico hudiu ta prueba di esaki. Sra. Russel-Capriles ta conoci como un persona integro, cu un consciencia di norma eleva.

Area di reubicacion identifica pa famianan bibando den dump

POND ISLAND (TheDailyHerald) – A identifica un tereno pa reloca 19 famia bibando na varios seccion di dump.

Minister di planificacion teritorial, Miklos Giterson, a bisa diabierna cu e tereno ta na Foga, un distancia cortico pero sigur for di e candela den dump. Cas prefabrica resistente pa horcan ta wordo busca pa Bureau Programa di Recuperacion Nacional. Ora esaki ta procura, e famianan lo ricibi un vivienda.

Awo ta keda na e famianan pa bay di acuerdo cu reloca. Famianan tambe tin opcion di ricibi fondonan y haya nan mesun vivienda.

E reubicacion di 30 persona for di e dump ta critico pa supresion di candela y otro proyectonan relaciona cu resolve e problemanan severo di maneho di desperdicio di e pais.

Giterson a bisa cu gobierno ta trahando hunto cu Banco Mundial y otro oficialnan pa cambia e ‘zona cora’ di dump pa un ‘zona geel’. Sinembargo, esaki lo tuma algun tempo.

Resolve e problema di desperdicio solido ta un di e proyectonan pa cual a aloca fondonan di e Recovery Trust Fund, administra pa Banco Mundial y financia pa Hulanda. Esaki ta nifica cu Banco Mundial, gobierno y residentenan finalmente lo mira cambio ora e caminda dilanti ta haya y aproba pa e Comité Director di e Trust Fund.

Sinembargo, no ta cla cuanto lo dura pa e proyecto tan necesario aki.

Vicepresidente nobo di Banco Mundial pa Latino America y Caribe (LAC), Axel van Trotsenburg, a bisa mientras el a finalisa un bishita di dos dia na St. Maarten cu e dump ta ‘rekeri un bon solucion’, pero cu lo ta ‘inteligente’ pa gobierno tin tur opcion prome cu procede den cualkier direccion.

E dump, como tambe e problema severo di repara cas despues di horcan Irma, no ta simpel, el a nota. Esaki a wordo sosteni pa prome minister Leona Romeo-Marlin. El a bisa cu pa drecha cada cas tin su propio retonan, desde si e doño ta involucra of no, te cu si e cas tabata construi cu permiso adecua. El a añadi cu gobierno, cu of sin e Trust Fund, no por repara tur cas cu a wordo dañá.

Van Trotsenburg a bisa tocante e programa pa repara casnan financia mediante e trust fund cu tabata e prome biaha cu el a mira un ‘regalo’ asina wordo duna pa repara casnan individual. Hunto cu Romeo-Marlin, el a tene un conferencia di prensa pa cera local a wordo clasifica como un bishita ‘di nivel halto’ di Banco Mundial pa e pais.

Tur oficial presente a bisa cu nan ta comparti ‘un cierto sentido di falta di pasenshi’ pa e velocidad di e esfuersonan di recuperacion, y ta trahando pa mehora esaki.



Dos muhe mas ta purba huy for di barak

(Willemstad) – Ayera atardi, den area di prizon na Koraal Specht, algun muhe ilegal cera den barak a purba di huy, causando un conmocion.

E personanan en cuestion a keda aresta, mientras autoridadnan a mobilisa a traves di e instituto pa controla si lo por tin mas intento pa huy,

cual no tabata e caso. A cera e dos muhenan bek den e barak, mientras ta continua cu investigacion.



Duncan Laurence a trece titulo di Eurovision pa Hulanda

TEL AVIV (dutchnews.nl) – Rey y reina, y prome minister, a manda felicitacion na Duncan Laurence pa su victoria den Eurovision Song Festival – e prome victoria Hulandes desde 1975.

“Nos ta orguyoso di Duncan Laurence, kende a conquista Europa cu su calidad di musica, a entrega un victoria pa Hulanda pa prome biaha den 44 aña, y a trece e festival di cantica na Hulanda proximo aña”, Rey Willem-Alexander y reina Maxima a bisa riba Twitter.

Prome minister, Mark Rutte, a describi e presentacion di

Laurence, di e balada Arcade in Tel Aviv, como ‘sublime y poderoso’, y a elogia e manera con el a haci su posicion como un favorito di apuesta, den un realidad.

Experto den Eurovision, Leo Blokhuis, a bisa radio Hulandes cu Laurence tabata ‘ocho biaha miho cu Madonna’, e invitado special, kende a wordo critica pa su presentacion ‘excruciante’ den e break, prome cu e votonan a wordo anuncia.

Laurence tin un ‘bos duna pa Dios’, Blokhuis a bisa.

E entrada Hulandes tabata na di tres luga despues di resul-

tado di hurado, pero a ricibi e posicion lider cu votonan di publico. Italia a caba na di dos luga, y Rusia na di tres.

Na un conferencia di prensa despues di su victoria, Laurence a bisa cu su curason tabata bati hopi duro ora e votonan tabata wordo anuncia. “E votonan ta dura hopi largo. Otro aña nos no mester haci esey, bo por haya un atake asina”, el a bisa.

“Mi no a tripi di soña di gana e trofeo aki, pasobra esaki ta Eurovision, y cualkier cos por pasa, y ta p’esey mi stima Eurovision”, el a bisa. “Pero el a pasa, e prediccinnan a bira realidad, pero ainda mi a sigui



mira nan como prediccion. E victoria ta e resultado di trabou duro como un team.” Hulanda a gana Eurovision pa ultimo biaha na 1975 cu

Teach-In y e immortal Ding-a-dong. Common Linnets y Calm after the Storm a yega na di dos luga na 2014.

Tres hues nobo pa St. Maarten

DEN HAAG (TheDailyHerald) – Tres hues nobo a wordo nombra pa St. Maarten diabierna, ademá di un vice-presidente di corte nobo na St. Maarten.

Conseho di Minister di Reino, basa riba un propuesta di minister Hulandes pa proteccion legal – Sander Dekker, minister di husticia di Aruba – Andin Bikker, minister di husticia di Corsou – Quincy Girigorie, y minister di hus-

ticia di St. Maarten – Cornelius de Weever, a aproba e nombramento di seis hues nobo, tres di cual ta pa St. Maarten.

E nombramentonan pa St. Maarten ta J.M. Ghrib, como hues di instruccion den hurisdiccion combina administrativo y civil per 15 di mey; C.T.M. Luijks, como hues den hurisdiccion civil per 1 di augustus; y J. Snitker como hues den hurisdiccion criminal per 1 di augustus.

Tres otro hues – H.G. Eskes, W.J. Geurts-de Veld, y C.E.M. Nooteboom – tabata nombra pa Corsou.

A.J.J. van Rijen a wordo nombra como vice-presidente di tribunal di Husticia seccion St. Maarten, per 1 di augustus.

A.J. Martijn a wordo nombra como miembro di tribunal di Husticia na Corsou, tambe per 1 di augustus.



Thierry Baudet ta uza film di muhe neo-fascista den Tweet pa campaña

DEN HAAG (dutchnews.nl) – Lider di Forum voor Democratie, Thierry Baudet, a lanta critica pa retweet un video anti-inmigrante di un muhe ultraderechista Aleman pa di dos biaha.

E video ta muestra varios muhe jong blanco describiendo con nan ‘no ta sigur pasobra bo ta nenga di proteha nos’, y declarando cu nan a wordo ‘sacrifica y bendi’.

“Danki na boso politica di inmigracion, pronto nos lo enfrenta un mayoria di homber jong for di un sociedad cu ta enemigo di muhe”, e texto ta bisa, cual a wordo traduci den Hulandes den e tweet di Baudet. E oradornan den e video ta ripiti e frase ‘Ich habe es gewusst’ – literalmente, ‘mi tabata sa’, varios biaha na fin di e video – un referencia na e frase ‘wir haben es nicht gewusst’, of ‘nos no tabata sa’, cual ta describi actitud Aleman tocante e Holocaust

despues di Segundo Guera Mundial.

E frase ‘Ich habe es gewusst’ tambe ta poni riba potretnan di Mark Rutte, Jesse Klaver y Rob Jetten, cual a ser aña na final di e video den e version nobo. Den su retweet, Baudet ta bisa ‘goosebumps, y asina berdadero’. “Vota pa FvD pa fundamentalmente cambia politica di inmigracion”, el a bisa.

Lider di D66, Rob Jetten, a acusa Baudet di ‘politica di alcantarilla’ pa a comparti e video. “Door di conecta Rutte, Klaver y mi persona cu violacion y referencia na Holocaust, Baudet a muestra su banda mas enfermo”, Jetten a bisa.

Baudet prome a retweet e video na januari 2018, sin subtitulo Hulandes ni atake na politiconan Hulandes na final. E film a wordo traha pa muhenan kende ta asociad-

onan conoci di e grupo fascista Identitäre Bewegung, y ta yama nan mes 120 Dezibel.

Mas di mil persona a comenta tocante e uzo di e video riba e

‘timeline’ di Baudet, mayoria di cual ta hopi critico. Algun tambe ta referi na comentari- onan anti-muhe cu Baudet su mes a haci.



THE CASINO
HILTON ARUBA CARIBBEAN
RESORT & CASINO

Nos ta buscando
Poker Dealer
Cu of Sin Experiencia

Pa WSOP Aruba tournament, Nov.14-24, 2019.
Nos tin training cuminsando fin di Mei.

Pa aplica of pa mas informacion manda nos un email
na thecasinoaruba@tcaruba.com, of yama nos na 526-6903

Clasificado

ECONOMICO

Personal GRATIS max. 20 palabra

PASA LAGA BO AVISO NA OFICINA DI BON DIA
ARUBA WESTSTRAAT#22 FOR DI 9:00AM-4:00PM

Email nos na
classified@cspnv.com

TA BUSCA

Un apartamento den serkania di Playa (bon prijs) di un camber, tur cos inclui, muebla
Tel. 593 0909 / 593 0077

SERVICIO PUBLICO

Gran Feria di Fruta y Verdura na Rococo Plaza diahuebs, diabierna y diasabra 3 or te cu 8 or anochi. Tur siman

SERVICIO PUBLICO

ta yuda busca cas pa cumpra of huur
Tel. 563 1449

TA HUUR

La Cabana
1 bdr sleep 4
10 aug. 2019 for 1 week
Tel.583 8132 / 641 6184

TA BENDE

un cama di baby y un carrier
Pa fls.75. Por yama
Tel. 565 5724
741 5500

SERVIO PUBLICO

Ta ofrece pa verf y chapi cura bon prijs. Nos ta hiba e sushi. Yama pa mas informacion na
563 4828/5679610

TA HUUR

Cas grandi na Playa di 3 camber, sala, cushina, baño
Fls.2000 p/l + deposito
Tel. 594 8842

TA HUUR

Oficina na Playa cu baño y propio parkeo di 3 auto 115 m2
Fls.2300 discutibel
Tel. 594 8842

SERVICIO

Unified One Events
Photos, films, wedding
Tel. 749 2533

TA BENDE

Shimis blanco size 12 pa recibimento + di bautismo pa mucha di 1 año y algun otro shimis elegante
Tel. 741 8637

TA BENDE

un cas, 3 camber, 2 baño na Bushiri, Caya Soeur Meletia
AWG. 375.000,=
Tel: 592.9966

SERVICIO PUBLICO

Sra. ta busca trabou den cuida di mucha y anciano y tambe limpieza di cas of oficina
Tel. 749 6870

SERVICIO PUBLICO

Buscando auto pa huur y na bon prijs? yama nos
Tel. 593 9953/ 593 8453

SERVICIO PUBLICO

Handyman
pa tur trabou di verfmento, plumbing tuberia, chapi, limpieza di cura, drecha mata. contact.
Tel. 568 3728

SERVICIO PUBLICO

Barata Barata
Nos ta chapi, lanta sushi, spuit veneno, corta mata, na bon prijs
Arubiano balente
Call 592 5766

SERVICIO PUBLICO

Pa haci trabou di verf y chapi, tur mantencion di pafor di cas
Yama y puntra pa Benito na
Tel.593 0040

SERVICIO PUBLICO

Master Nails
Pa e miho servicio y experiencia den mantencion y atencion pa bo huñanan. Yama pa un cita
Tel. 744 9214

SERVICIO PUBLICO

Figuera Yard Service
Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs
Tel. 738 1908

SERVICIO PUBLICO

Christina God Gifted Spiritualist
I specialize in love marriage
I will reunite the separated
I remove all evil negative energy
I succeed where others have failed fast immediate results
1-561-557-9540

TA HUUR

La Cabana 1 bdr sleep 4
8 aug. 2019 for 1 week
Tel. 583 8132 / 641 6184

GRATIS

Nos ta piki tur sorto di auto bieu, gratis. Tambe aircor, bateria, stoof, wasmachin, frigidair etc
Tel. 561 4297 / 561 5179

SERVICIO PUBLICO

Mi ta ofrece servicio di electricista, electricidad en general, problema cu corto circuito y mantencion
Tel. 566 5026

SERVICIO PUBLICO

Masaje relajante, sports masajes, aroma terapia, piedras calientes, reflexologia, faciales
Sabana Basora # 157 P.Ch.
Tel. 561 8520

FOR RENT

Studio in Playa (max 2 persons) living with kitchen, 1 bedroom, 1 bath room Afl.700 (excl. water+ electra)
Tel.662 3892

TA HUUR

Bachi pa tur ocasion
Tel. 749 2533

TA BENDE

set di comedor, 6 stoel, mesa extensible, estilo antique
Fls.400
Tel:742 5845

TA BENDE

BBQ Grill "crioyo" duradero
Prijs Afl.250
Tel. 569 7787

TA BENDE

Cas y Studio apart.
3 camber, 1 baño, cushina, comedor, sala y veranda
Prijs Afl.195.000.00
Tel.588 2942 / 593 2578

SERVICIO PUBLICO

Handyman pa trabou di: Verfmento, plumbing, tuberia, chapi
limpieza di cura, drecha mata
Tel. 568 3728

SERVICIO PUBLICO

Ta haci tur trabou di construccion y carpinteria y tur cos cu ta furamento di stul
Tel : 746 0518

TA BUSCA

Señora ta busca trabou domestico (limpieza di cas)di dialuna pa diabierna
Tel.746 5697

SERVICIO PUBLICO

Bo mester servicio di Coaching Politico PR, Marketing efectivo !
Na un bon prijs? anto tuma accion y yama Mr. Dirk
Tel. 583 7192

TA BENDE

Chevrolet 2009
Den bon condishon
Prijs: Afl.8000
Tel.747 8652 / 745 9420

SERVICIO PUBLICO

Se ofrece servicio de reparacion e instalacion de aires acondicionados Split e industrial tambien reparamos frigidair, cuartos frios y fabricantes de hielo
Tel. 600 0750

TA HUUR

Apto 1 camber y mei, cushina, baño, entrada priva, full muebla pa un pareha Fl.1100 excl. utl
Tel.566 6849

SERVICIO PUBLICO

recojemos todo tipo de basura (nevera, estufa, etc)
Tel. 564 1979

SERVICIO PUBLICO

Ta haci tur trabou di construccion y carpinteria y tur cos cu ta furamento di stul
Tel : 746 0518

SERVICIO PUBLICO

ta drecha tur sorto di Imagen
Tel. 584 2489

TA HUUR

Studio Apart. pa 1 persona inclui utl. exclui electr. na San Nicolas 650 p/l + dest/
Disponible 1 juni
Tel : 584 1008 / 563 9483 / 594 2502

ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via BANCO (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia.com**

Minister Xiomara Ruiz-Maduro ta informa:

Aruba a wordo baha fo'i lista preto di Union Europeo

ORANJESTAD - Durante reunion di e Ministernan di Finanzas di Europa na Brussels diabierna ultimo, Aruba a wordo baha for di e lista preto di EU, di paisnan cu nan sistema fiscal ta fomenta un competencia cu no ta husto.

E cambionan cu Aruba a haci recientemente na e leynan fiscal di nos pais, ta cuadra cu e standardnan Europeo di e Organizacion pa Cooperacion y Desaroyo Economico OECD y esaki ta pone nos den e grupo di paisnan cu leynan fiscal 'EU compliant', segun un comunicado di gobierno.

Recientemente, Aruba a wordo poni riba lista preto di EU debi cu algun cambio den nos leynan no a keda efectua prome cu 1 di januari 2019. E cambionan neces-

rio den e leynan 'Algemene Landsverordening Belastingen' y e 'Landsverordening winstbelasting' a keda aproba pa Parlamento dia 4 di april y dia 10 di april e 'Landsbesluit aanwijzing reële economische aanwezigheid transparante vennootschap' tambe a keda decreta. Cu e cambio di e leynan aki y e decreto, Aruba a cumpli cu e cambionan necesario cu ta hiba cu awe nos ta cumpli cu tur e reglanan di EU.

Ruiz-Maduro ta manda un palabra di gratitud na tur persona cu di un of otro manera tabata involvi pa haci e cambionan aki un realidad. 'Boso esfuerso grandi pa Aruba por mantene su bon number y reputacion ta wordo altamente aprecia', ta palabranan di gratitud expresa pa e mandatario encarga.



Prome Minister Evelyn Wever-Croes:

Grondbelasting a baha pa 28 mil hende



ORANJESTAD - Gobierno di Aruba a anuncia e Reforma Fiscal na december 2018, y esaki segun Premier Evelyn Wever-Croes, ta hayando mas y mas contenido. Cobransanan di Grondbelasting pa aña 2019 a sali recientemente, y ya caba for di tur skina di Aruba ta drelando informacionnan di diferente ciudadanonan cu nan ta mira e diferencia compara cu Grondbelasting 2018. (Por ripara diferencia grandi riba e potret).


Segun un comunicado di gobierno, grondbelasting ta e belasting cu bo ta paga si bo ta doño di un cas of propiedad. Cu e cambio aki ta diferencia

e tarifa basa riba e balor di e propiedad: mas abou e balor ta, e tarifa ta baha. Mas halto e balor ta, e tarifa ta subi. Tambe a introduci un tarifa nobo, mas halto, pa esunnan cu no ta biba na Aruba, y pa

companianan cu tin propiedad comercial. Esaki ta trece un reparticion mas husto den e forma pa cobra grondbelasting. Ta baha e belasting pa esunnan cu tin un cas so, y ta subi e belasting pa esunnan cu tin mas propiedad, of propiedad cu ta bal hopi placa.

Cu e cambio aki, 12 mil hende no ta haya e cobransa mas! Y pa 16 mil hende e cobransa ta baha. Pa esunnan cu tin propiedad di balor di mas di 500.000 florin, e belasting ta subi, pero mes momento a duna compensacion den rebaho di inkomstenbelasting y dividendbelasting.

Esunnan cu tin propiedad di balor abou ta paga menos, y 28.000 ciudadano awe ta mas contento! Reforma fiscal ta e cambio husto, e comunicado ta finalisa.



Advertorial

Serlimar ta introduci Servicio Personalisa pa tur su clientela residencial

ORANJESTAD – Serlimar ta introduci un servicio nobo pa tur su clientenan residencial, caminda un team di Helpdesk lo ta disponibel pa brinda e servicio personalisa na tur nos clientenan residencial.

E servicio personalisa aki ta encera cu nos team lo haci bishita na cas of na trabou pa:

- Cliente por haci nan pago;
- Cliente controla y up-date nan datos di cliente;
- Cliente por yena un formulario pa standing order pa haci pago via banco;

E servicio personalisa aki Serlimar ta introduci specialmente pa nos clientenan grandinan y tambe pa esnan cu ta traha of cu no tin transporte pa yega na un di nos sucursalan. Pa haci peticion pa e servicio, aki mester tuma contacto cu Helpdesk team na 524-5080 of na 597-4222, e servicio aki lo ta disponibel pa tur nos clientenan residencial.

Serlimar kier a recorda su clientenan cu pa luna di juni 2019 lo saca e factura oficial di tarifa residencial. Pa esaki nos ta pidi tur nos cliente pa tuma contacto cu Serlimar pa asina controla e informacion bou di e nomber di e cliente cu ta registra, pa asina nan por ricibi e factura corecto. Sea cu e cliente a muda, traha cas nobo of tin cambio den informacion di e cliente, ta importante pa controla esaki pa asina por haya e cobransa corecto.

Pa update bo datos como cliente tambe por haci uzo di nos servicio personalisa y pa haci e peticion aki por tuma contacto cu Serlimar na 524-5080 of na 597-4222.

Brommer a dal frontal den auto

ORANJESTAD - Diabierna anochi, den e birada na Brazil un coredo di brommer riba un velocidad halto a bay den banda contrario, y a dal frontal den un Toyota Yaris.

E motociclista a lanta di biaha y tabata keha di dolor. E chauffeur tabata tin basta amigo cune, y nan a intenta pa bay cu e brommer pero ora nan a sinti e cayente di polisnan yegando na cantidad, nan a bandona e sitio.

Polis a tuma e brommer, cu no tin nada, den beslag. Ambulance tabata presente pa atende cu e herido.



Accidente cu impacto fuerte na Siribana; chauffeur deteni

ORANJESTAD - Diasabra pasa di 1:45 merdia, central di polis a manda un patruya riba e caminda di Siribana pa Cadushi largo.

Polisnan ta yega di biaha na e sitio y topa cu dos auto Hyundai basta kibra. Falta di preferencia a hunga un rol. Tabata tin persona herida involvi den e accidente, unda ambulance a presenta pa atende cu e victima.

Na e sitio, polis di trafico a detene un homber pa core bou influencia, y a transport'e pa warda pa un test.



Scooter a dal den un auto na Pos Chikito

ORANJESTAD - E caminda patras na Pos Chikito, net dilanti di Kings Car Care, un homber riba scooter a perde control, bay dal den un Nissan SUV.

E auto a keda basta kibra. Un amigo di e coredo di scooter a pasa ey banda y bay cu e scooter, mientras e victima a keda atras herida. Ambulance a presenta y a atende cune.

Polis a papia bon cla cu e coredo di e scooter e consecuencia di bay cu scooter, y e tin cu para pa su responsabilidad.



Homber involvi den tiramento na Hooiberg deteni



ORANJESTAD – Diadomingo, pasa di 1or di marduga na Hooiberg, un homber a presenta na un cas di famia y busca problema y menasa cu arma, y a los un tiro.

E sospechoso lo a core bandona e sitio di biaha.

Rapid Team di Polis, bayendo pa e sitio, a mira e homber na caminda na careda y a bay su tras un persecucion na pia, y e sospechoso a dreña mondi caminda pa bay Rooi Afo, y a keda deteni den e mondi.

E tabata tin un arma di candela cune, y a notifica departamento forensico pa presenta na e sitio pa saca potret di e evidencia. Mientras, patruxa di Santa Cruz tabata na unda e caso di tiramento a pasa, pa busca huls.



WE ARE HIRING

Requirements:

- * Experience in Automotive Parts Sales
- * Valis driver license
- * Valid Work permit
- * Must Speak Papiamento-English-Dutch-Spanish

Automotive Counter Sales Representative

Description: This is the ideal role for a person who truly cares about providing outstanding customer care and interactions with Everyone who they come in contact with!

As an Automotive Counter Parts Salesperson, you are looked at as the "face of the retail store" and the go to person as soon as our customers enter our retail stores.

To Apply sent a email to
adminaruba@outlook.com

*CV/Resume
*ID

Iraq trapa den e tension entre Iran y Merca



BAGDAD (AP) – Secretario di estado Mericano, Mike Pompeo, a sinta cu oficialnan di Iraq na Bagdad siman pasa, mirando e tension entre Merca y Iran. Gobierno di Iraq ta aliado cu ambos banda, y esaki ta crea un confrontacion.

Mirando e tension di ambos banda, presidente Mericano, Donald Trump a bisa cu e no kier guerra, sino un dialogo habri. Pero tension ta sigui halto. Iraq ta den liña entre Iran y e mundo Arabe. Pa hopi tempo e pais tabata un campo di bataya.



Awo den medio di e conflicto cu ta creciendo, Iraq ta muestra mas vulnerabel pa keda trapa den e wegá. Un atake dirigi na interes di Merca y Iraq por perhudica esfuerço reciente di e pais pa recupera nan status den e mundo Arabe.

Merca a ordena henter e personal gubernamental no esencial y cu no ta emergencia pa bandona e pais. Oficialnan Mericano a bisa cu Pompeo a bisa e ciudadanonan di Iraq cu Merca tin derecho na defensa legitimo, y cu nan lo uza esaki si e personal di Merca ta wordo ataca pa Iran of nan repre-

sentante di Iraq, of cualkier otro luga. E tres funcionario no tabata autorisa pa discuti publicamente reunion priva bou condicion anonimo, pero nan a bisa cu Pompeo no ta contempla ningun atake preventivo contra Iran ni e uzo di teritorio pa organisa operacion militar contra Iran.

Segun e mensahe di Pompeo, a bisa cu Merca kier evita conflicto, pero lo responde of defende su mes si ta necesario. Riba cayanán di Bagdad, algun ta ignora e tension, pero otro tin miedo cu e pais wordo afecta pa otro guerra.

Atake riba bus turistico ta laga 14 herido

EGIPTO (NewYork-Times) – Un explosion na Egipto riba un bus yen cu turista, cerca di e piramid di Giza, a herida 14 persona, segun oficial di siguridad a informa.

E atake a sosode cerca e museo nacional di e construcion di e piramid, cu ta programa pa habri otro aña. Esaki ta e di dos atake contra turista den 6 luna, na man di militar arma cu ta den oposicion contra presidente Abdel Fattah el-Sisi.

Niun grupo a tuma respon-



sabilidad pa e atake inmediatamente. Anteriormente, violencia conta turista a wordo reclama pa estado Islamico y otro grupo di Islam, cu ta arma y ta den oposicion na Abdal Fattah. Cuatro persona, entre nan turista di Vietnam y un guia turistico, a perde nan bida den un atake di bom riba un bus di Cairo na december. No tin informe di inicial di esunnan cu a muri den explosion.

Riba rednan social ta muestra cu persona a bula for di e bus. Un agencia di noticia estatal a bisa cu e bus tabata carga

25 turista di Sur Africa, y cu mayoria di e 14 fayecidonan tabata di e mesun pais. No ta cla con grave nan situacion ta. E Gran Museo Egipcio ta un proyecto prestigioso pa El-Sisi, kende ta den poder te cu 2030. E construcion ta un marca na e museo di 1 biyon di 2002. Funcionarionan ta bisa cu e ta programa pa habri na 2020. El-Sisi a bisa cu lo invita e dignatarionan mundial pa e ceremonia di apertura. Den un comunicado, un alto funcionario di e museo a bisa cu e explosion no a dañá e museo, ni nan monumento.

Debate di aborto: Muhenan ta conta di nan abuso

MERCA (AP) – Un debate a tuma luga pa e ley cu ta prohibi tur aborto despues cu detecta un latido di curason. Legislado republicano kier agrega un excepcion pa casonan di violacion y incesto.

Pa mas cu dos decada, Nancy Mace no a papia publicamente di su violacion. Na april, ora finalmente el a kibra su silencio, el a haci esaki den e forum di mas publico – dilanti di su coleganan den legislacion na Sur Carolina. Un ley tabata wordo debati cu lo prohibi tur aborto despues cu e curason di e feto ta detecta; Mace, un legislado republicano, kier a añadi un excepcion pa violacion y incesto. Ora cu algun di su colega den senado a nenga nan amienda – algun



muhe ta inventa violacion djis pa haya un aborto, nan a bisa – e no por a keda keto.

Mientras legislacion republicano un tras otro ta bay dilanti cu leynan restrictivo di aborto den lunanan recien, nan ta confronta cu testimonio emocional tocante e consecuencia di leynan asi-

na. Legisladonan femenino y otro muhenan a bindilanti pa conta storianan personal – den algun caso papiando tocante atakenan pa prome biaha.

Mace ta contra aborto den mayoria di caso, y a sostene e ley di latido di curason tanten cu e ta contene un excepcion

pa violacion y incesto. El a bisa cu su decision pa revela un atake cu a keda cune pa asina largo, tabata cu intencion di yuda legisladonan compronde e experiencia di e victimanan. “Violacion y incest no ta asuntonan partisano”, el a bisa.

Sinembargo, e storianan aki tin tiki efecto pa stop legislacion na Georgia, unda un legislado a papia di a haci un aborto despues di a wordo viola, of Alabama, unda e gobernador e siman aki a firma un ley prohibiendo tur aborto, a menos cu ta necesario pa salba bida di e mama.

Na Ohio, un ley di latido fetal a pasa, hasta despues cu tres legislado a papia tocante nan violacion – entre nan,

rep. Lisa Sobecki, kende a argumenta pa un excepcion pa violacion door di recorda su propio violacion y subsecuente aborto.

Cuatro aña pasa, ora tabata debatiendo un ley di latido fetal, sen. Teresa Fedor a sorprende su coleganan cu un storia cu el a wordo viola den cuerpo militar, y a haci un aborto. El a sinti cu e mester a comparti e storia atrobe e aña aki. Sinembargo, e gobernador a firma e ley, sin excepcion pa violacion of incesto.

E siman aki, legislacion lidera pa republicano na Michigan a pasa dos ley cu lo restringi aborto y manda nan na gobernador. E gobernador awo, Whitmer, a bisa cu e lo veto tur dos.



Minister Armando Rudy Lampe:

Importancia di por reconoce señalnan di abuso sexual di menor

ORANJESTAD - Minister dr. Armando Rudy Lampe tabatin e honor y placer di presencia e clausura di un seminario, cual a wordo organisa a base di e Crisis Plan, na unda cu Minister Lampe a reemplaza su colega Glenbert Croes, kende pa motibo di kebrante di salud, no por tabata presente.

E seminario tabata tin como tema ‘Signs of Safety’, cu ta un metodo di intervencion pa cu abuso y negligencia di menor, cu a wordo diseña na Australia door di sr. Andrew Turnell. Mundialmente e ta un di e metodo cu mas a sa di demostra su mes (basa riba evidencia), como uno efectivo, segun un comunicado di gobierno.

Signs of Safety ta un metodo cu ta enfoca mas riba un solucion, y e metodo aki ta existi pa e ayudo inclui mas e mayornan y su network den e proceso. Un otro aspecto importante ta cu e ta existi di e ayudo pa por wak e caso mas holistico, y cu ta tuma esfuerso di diferente departamento y ministerionan pa por yega na un solucion duradero pa e menor.

Kico por gana of saca afo di Signs of Safety:

Lenguahe uniforma entre e profesionalnan; Manera uniforma di señala y raporta casonan caminda cu tin preocupacion di maltrato di menor; Forma uniforma di tuma decision riba e grado di urgencia pa cu un caso caminda cu tin preocupacion di maltrato di menor; Miho comunicacion y traspaso di informacion entre e diferente instancia(nan).

Den su discurso, Lampe a enfatisa e importancia di e señalnan cu mester wordo capta y sigur di e hermentnan cu esunnan presente a caba di ricibi, cu sigur ta bay duna mas balor den e bida di nos muchanan, cu por ta den un situacion vulnerabel. Na final, Lampe a gradici un y tur cu a yuda pa e exito di e seminario aki, y sigur palabranan di aprecio pa tur esunnan cu a logra di ricibi nan certificado.



ARUBA MEETS IN San Nicolas

Come and experience our local way of life

MAY 29 | 7-10 PM
MAIN STREET, SAN NICOLAS

LOCAL FOOD ISLAND

MULTICULTURE FOOD ISLAND

SPECTACULAR HISTORICAL SHOW

LIVE BANDS

ARUBA

Ministerio di Turismo,
Salubridad Publica y Deporte

Prome Minister y Gobierno di Aruba ta felicita

Mimi di Radio Bo Guia cu reconocimiento di e Tapushi Literario



ORANJESTAD - Diasabra dia 8 di mei ultimo, a tuma luga na Corsou e final di Arte di Palabra ABC. Manera custumber, durante e evento aki a rindi homenahe na baluartenan kendenan ta duna un aporte valioso na idioma y cultura di Aruba, Corsou y Boneiro. Total, 5 baluarte a ricibi e Tapushi Literario. Pa Aruba, Señora Miriam Koolman-Rosel, kende cariñosamente ta wordo yama Mimi, a ricibi e reconocimiento special aki.

Mimi, di Radio Bo Guia FM, desde inicio a establece

e meta pa e emisora promove nos idioma Papiamentu y nos cultura.

Loke ta di nos, prome! Bo Guia FM semper ta duna honor na nos idioma y nos cultura den e canticanan cu ta toca y e programanan di tur dia.

Bou wapamento, esunnan cu a wordo reconoci a subi stage na momento cu e cantica 'Ban Wapa cu e yiu di Tera' a cuminsa toca na unda e publico a ricibi nan cu un fuerte aplauso. Señora Mimi a subi stage cu bandera di Aruba den su man mustrandó un biahá mas su amor y orguyo pa nos patria.



Prome Minister Evelyn Wever-Croes y Gobierno di Aruba ta felicita Señora Miriam

Koolman-Rosel cu e bunita reconocimiento aki y alabes ta gradici Mimi pa semper pro-

move, proteha y conserva nos idioma y nos cultura.

Ministerio di Transporte, Comunicacion y Sector Primario ta presenta: Punto Informativo



ORANJESTAD – Awe nochi, net prome cu e noticiero estelar di Telearuba, Telenoticia, lo presenta e prome edicion di e programa Punto Informativo. Punto Informativo ta un programa di Ministerio di Transporte, Comunicacion y Sector Primario, cu e meta pa mantene nos comunidad debidamente informa di tur loke ta sosode den cada departamento cu ta resorta bou maneho di minister Chris Romero.

Como e titular di e cartera di Comunicacion, Romero kier haci uzo di e tecnologia di awendia pa asina yega mas cerca di nos comunidad.

“Awendia, tur cos ta draai rond di tecnologia, y probechando di e diferente opcionnan cu nos tin na nos alcance actualmente, nos a bin cu e idea pa presenta un programa informativo semanalmente, tanto na Telearuba como nos planta nacional di television, pero tambe via e diferente medionan social.



Informacion ta algo cu, den e mundo di awendia, ta esencial pa e ser humano.

E programa Punto Informativo a nace for di e pensando cu

nos como gobierno tin e deber di mantene nos comunidad debidamente informa di loke ta nos mancho”, tabata palabranan di Romero.

E programa Punto Informativo lo pasa tur dialuna pa 7:55 di anochi na nos Planta Nacional, Telearuba y ta wordo presenta pa Arnaldo (Naldo) Maduro.

Minister Dangui Oduber:

Enfoke di maneho di salud ta prevencion!

ORANJESTAD - Algun siman atras, minister Dangui Oduber a anuncia cu Aruba su plan nacional di prevencion ta den su fase final pa cuminsa cu ehecucion di esaki. Na e momentonan aki, gastonan di cuida medico ta sigui aumenta, y como minister responsabel pa salud di nos comunidad, nos tin cu tuma accion.

Nos comunidad no ta esun di mas saludabel, y e consecuencia cu esaki ta trece cune ta cu hopi hende ta sufri di malesanan cronico manera presion halto, sucu, problemanan cu curason, y tambe e indice di esunnan cu ta dialyseer ta haltisimo. E indice mundial di persona nan cu mester dialyse ta 8%, y na Aruba esaki ta 16%. Cada pashent cu mester e tratamento di dialyse ta costa 100.000 florin pa aña.

No esaki so, sino tur e otro gastonan cu ta subiando.

Biba un bida saludabel no solamente ta yuda cada persona, sino lo evita tambe cu gastonan medico lo bira impagabel. Nos a pone den nos programa di gobernacion cu nos lo bay pone enfasis riba prevencion y nos no ta haci esaki solamente cu palabra sino cu accionnan concreto. Nos a percura pa prome biaha den historia presupuesto placa pa prevencion. Esaki ta nifica cu nos lo ta hopi mas agresivo den campananan di conscientisacion pa comunidad come saludabel, haci ehercicio y biba saludabel, Oduber a bisa den un comunicado di prensa.

Segun World Health Organisation (WHO), cada ciudadano mester haci ehercicio por lo menos 30 minuut tur dia. Nos comunidad mester evita di come productonan cu ta contene sucu y salo. Esakinan ta hopi dañino pa salud di nos comunidad. Ta nos deber pa nos educa nos comunidad riba e consecuencianan di no come y biba saludabel.

Ta p'esey nos lo cuminsa cu diferente campaña di brinda informacion y tambe di conscientisacion pa cu pre-



vencion di salud. Nacionnan Uni a pone como meta cu pa aña 2030 nan lo kier reduci e NCD's (non Communicable Diseases-malesanan cronico) cu 30%, y logicamente Aruba tambe tin e deseo di logra e meta aki. E ta un meta en comun pa nos tin un comunidad mas saludabel.

Como gobierno, nos ta trahando riba

mas espacio tambe pa haci ehercicio, esaki nos a haci por ehempel na Malmok caminda na e momentonan aki e construccion di esaki ta andando. Nos lo mehora e facilidatnan deportivo, pa haci nan atractivo pa stimula mas y mas hende participa activamente na deporte. Nos a introduci olimpiada escolar bek despues di 8 aña. Banda di esaki, nos ta bay mehora e cancha

di basketball na Village y traha un riba facilidad deportivo na Baby Beach.

Nos ta bay haci uzo tambe di MFA tambe pa cuminsa e proceso pa brinda comunidad e posibilidad di haci chequeo medico. Ta importante pa nos tin e datonan aki pa asina nos por fiha nos maneho. Nos ta den proceso pa bin cu un centro medico na Noord caminda e intencion ta brinda mas servicio medico considerando e hecho cu Noord a crece masha hopi. Hunto cu AZV nos kier traha mas cu clinicanan priva pa asina tin competencia y na final mehora e servicio y cuida medico na Aruba.

Nos mensahe na comunidad di Aruba ta pa nos tur hunto ban come mas saludabel, ban participa mas activamente na deporte y haci ehercicio y na final di dia esaki lo contribui na un comunidad mas saludabel y un reduccion den gastonan medico, e comunicado ta finalisa.



Koepka cerca di compaña e elite den campeonato PGA

FARMINGDALE, N.Y. (AP) — Ya caba un campeón mayor multiple, Brooks Koepka ta acercando e elite den e campeonato PGA.

Koepka tabatin un bentaha di shete tiro bayendo e ronda final ayera na Bethpage Black, sabiendo cu niun hende a yega di perde un bentaha asina grandi den un campeonato mayor. Un victoria lo permiti e pa uni Tiger Woods y Phil

Michelson, como e unico hungadonan den e ultimo 30 aña cu a gana titulon mayor den tres aña consecutivo.

E curso tabatin un awasero pasahero den oranan di mainta, y tabatin chens pa awasero atardi tambe.

E campeonato PGA, moviendo na mey pa prome biaha den 70 aña, a bay bon cu clima plasentero y un curso di golf fuerte. E unico cos cu el a falta, tabata drama.



Benfica ta gana di cinco titulo di liga Portugues den seis temporada



LISBOA, Portugal (AP) — Benfica a gana su di cinco titulo di liga Portugues den seis temporada, ora di vence Santa Clara 4-1 diasabra.

Benfica a eleva su di 37 trofeo di liga door di caba dos punto

dilanti di campeón defensor Porto, cu a vence Sporting Lisbon 2-1.

Benfica tabata shete punto tras di Porto na cuminsamento di añ. “Tur hende a pensa nos a perde na januari”, delantero di Benfica, Pizzi Fernandes, a bisa. “Pero nos tin

un grupo genial di hungadonan y a sobrepasa e reto. Nos a mostra cu nos merece di ta campeón.”

Un empate lo tabata suficiente pa Benfica na e Stadion di Luz, mientras a drenta e ronda final cu un miho bentaha cu su rival. El a gana cuatro titulo consecutivo, prome cu Porto a caba cu su racha aña pasa.

E anfitrión a cuminsa rapidamente y tabata ganando 3-0 pa medio tempo, cu golnan di Harris Seferovic, Joao Felix, y Rafa Silva. Seferovic a anota un biaha mas den segundo mita, prome cu Santa Clara a anota su unico gol, di Cesar. Porto a lucha na cas contra Sporting, cu tabata na di tres luga y a hunga cu 10 hungado for di minuut 19, pasobra defensa Cristian Alexis Borja a ricibi un carchi cora.



Danilo Pereira y Hector Herrera a nota laat den e segundo mita, despues cu e bishitantenan a habri e anotacion cu un gol di Luiz Phellype. Sporting a cualifica pa Liga Europa hunto cu Braga na di cuater luga.

Porto lo hunga den e ronda cualificativo di Champions League, mientras Benfica ta bay directo den e ronda di grupo.

Chaves, Nacional y Feirense a wordo relega.

Lyon ta vence Barcelona 4-1 pa gana Champions League femenino



BUDAPEST, Hungría (AP) — Ada Hegerberg, e prome ganador femenino di Ballon d'Or, y su team Lyon, a demonstra nan fortalezanan considerable door di vence Barcelona 4-1 den e final, pa gana nan di cuatro consecutivo Champions League femenino diasabra.

Hegerberg a anota tres biaha den e prome mita pa e team Fran-

ces, cual tambe a gana su di seis Champions League desde 2011. E habilidad di Hegerberg pa traha cu su compañeronan di ekipo a impresionar su coach, tambe. “El a hunga un tipo di futbol colectivo”, coach di Lyon, Reynald Pedros, a bisa. “Nos tin un cantidad di talento na nos banda, pero si nan no por hunga hunto, bo no lo mira e talento ey. Ada a hunga un partido increíbel, mescos cu resto di e team. Nos ta skirbi-

endo historia. Tabata casi un partido perfecto.”

Dzsenifer Marozsán, kende ademá ta capitán di Alemania, a habri anotación den minuut 5, cu fanaticonan local na Ferencváros Sadoin dunando e centrocampista di Budapest un ovación enorme.

Pero e implacable Hegerberg tabata esun cu a pone e final fuera di nan alcance, cu su hat trick hisando su total di gol den Champions League na 42.

El a anota tres gol den 17 minuut, asisti pa Shanice van de Sanden den minuut 14, Amel Majri na 19, y Lucy Bronze na minuut 30. Tabata e ultimo partido mayor e temporada aki pa Hegerberg. E strea Noruego no lo ta presente pa e Mundial femenino na Francia proximo luna, pasobra e no a hunga pa su team nacional desde 2017, pa motibo di un disputa cu e federación nacional.



Alonso no ta logra pa Indy 500

INDIANAPOLIS (AP) — E dos-biaha campeon mundial, Fernando Alonso, a wordo saca di e Indianapolis 500 ora el a faya cualificacion pa e carera di proximo siman, riba e di dos y ultimo dia di cualificacion riba e ovalo di 2.5 miya.

E Spaño a sali den un golf cart cu su team di McLaren Racing, despues cu Kyle Kaiser a dal Alonso for di e spot #33 cu e carera final den e ultimo rij di seis auto. E tempo cualificado di Kaiser, 227.372mph no tabata hopi miho cu Alonso, na 227.353.

Kaiser tabata coriendo den un auto di backup despues di un accidente durante practica diabierna.

Coredo Canades, James Hinchcliffe, a evita perde e carera pa e di dos aña consecutivo. E tabata e prome pafo despues di un retraso pa motibo di yobida di mas di cuatro ora, y a logra un velocidad averahe di 227.543. E lo cuminsa na #32 pa Arrow Schmidt Peterson Motorsports.

E Mericano, Sage Karam, tabatin e corida mas lihe di e sesion, cualificando #31 cu un averahe di 227.740. Tanto Dreyer como Reinbold Racing ta awo den e carera.

McLaren a uza e retraso pa yobida na Indianapolis Motor Speedway pa hinca un auto den otro pa purba cualifica pa e carera. E auto den cual Alonso a haci su ultimo intento pa cualifica a ricibi asistencia di varios team den e garage, y ta inclui ayudo di Andretti Autosport. Hopi a pensa cu McLaren a ricibi ayudo di Team Penske – director di team di McLaren, Gil de Ferran, ta un ganado di Indy 500 pa Team Penske – y Chevrolet a asisti cu e set up. Presidente di McLaren, Zak Brown, a bisa: “Esaki ta un paddock amistoso. Hopi mas amistoso cu F1.” E team a yega como 10 minuut laat ayera mainta pa un sesion breve di practica prome cu e ‘Last Row Shootout’, y Alonso no a logra completa un buelta prome cu e parti atras di su auto a dal abou lastra riba e superficie di e pista.

McLaren a tira un set up completamente nobo riba e auto, y tabata purbando franticamente di mira si e tabatin velocidad. Alonso a logra apenas cinco buelta mas prome cu e sesion a para.

E resto di atardi tabata frenetico, mientras ingenieronan di McLaren tabata traha riba e auto di Alonso pa purba sigura un di e ultimo spot den e carera, cu lo tuma luga dia 26 di mei proximo.

McLaren a core den Indy 500 pa ultimo biaha den añanan 1970s, pero a purba un intento e temporada aki, pa yuda Alonso completa su hazaña di e version ‘Triple Corona’ den motorsport, y como un test pa un potencial IndyCar team. Pero e proceso a resulta un desaster for di dia di apertura pa motibo di problema electrico, un accidente di Alonso, retrasonan largo pa construi un auto nobo p’e, un taira cu a kibra den su prome intento pa cualifica, y finalmente, un auto demasiado dificil pa Alonso maneha pa cualifica den top 30 di asabra.



GOBIERNO DI ARUBA



Serlimar

E schedule residencial en conexion cu dia di Asuncion ta lo siguiente:

27 Mei 2019 Ruta di dialuna

28 Mei 2019 Ruta di diamars

29 Mei 2019 Ruta di diaranzon

31 Mei 2019 Ruta di diahuebs

1 Juni 2019 Ruta di diabierna



Copa Noord 2019 a continua

Royal Power Tat Fat Home Depot ta derota Bad Boys 13-0



ORANJESTAD - Copa Noord 2019 a continua fin di siman riba veld di Kudawecha. E ekipo di Royal Power Tat Fat Home Depot a derota e atletanan di Bad Boys 13-0 via rapido den 5 entrada.

Royal Power, un ekipo basta competitivo, a inicia prome inning cu un atake formal riba e pitcher habrido Victor Winterdaal, anotando 8 careda.

Bad Boys a haci tur intento pa bin bek den wega contra e pitcher veterano Alvaro Barrios, pero sin resultado. Royal Power ta anota 1 careda mas den di dos inning, y ta pone presion den inning anotando 4 careda mas pa asina seya nan di 4 victoria den Copa Noord 2019.

Royal Power como ekipo a bati di 32-16 pa un averahe di 500, mientras Bad Boys a bay di 15-2 pa un averahe di 133 como ekipo.

Royal Power 1 careda, 16 hit, 1 eror y ta laga 5 coredo na base.

Bad Boys 0 careda, 2 hit, 4 eror y ta laga 1 coredo den circulacion.

Mihor batiado pa Royal Power a resulta Edmar "Macho" Tromp, Komark Flanegin y Franco Wouters tur di 4-2, Kelvin Sylvania 4-3, Guyon Cannister 2-1, Jeandrick Croes 1-1 y Endy Croes 'hinsel' a swing e bate despues di varios aña, y ta bay di 3-1.

Pa Bad Boys Michell Alvarez y Albertico "Buchi" Webb ambos a bay di 2-1, por cierto, e unico dos imparablenan di Bad Boys.

Royal Power su proximo compromiso ta contra organisadonan di e torneo, Kudawecha Redskins, diasabra dia 25 di mei cuminsando pa 5:30pm na veld di Kudawecha. Copa Noord ta continua e weekend binidero.



Clausura Ronde van Aruba - MSK Savaneta 2019

ORANJESTAD - Diasabra anochi a tuma luga entrega di premio na e personanan kende a sobresali durante Ronde van Aruba 2019.

Pa cuminsa, Parke Arikok a haci entrega di premio na ekiponan cu a cumpli cu e reglanan di Parke, y despues e organisadonan di Ronde van Aruba a entrega premio na e demas ganadonan den e diferente categoria, segun un relato di 297sports.

A resalta e anochi aki e hecho cu Ronde van Aruba 2019 a kibra un record. Albertino 'Beto' Maduro, hunto cu su ekipo Aruba Malmok Runners 2, a logra prome luga den Estafette +201. Limitacion visual no a logra stop ni baha velocidad di Beto, y el a logra subi riba podium. A continuacion, resultadonan final:

Individual

Robbert Luttikhuisen
Adriaan Van Dalfsen
Alexander Van Dalfsen

Partners

PPC1 (Maurice/Michelle/

Stefano/Jean Marc)
QPO Superfood (Calvin/Jan/
Martijn/Tijmen)
Amsterdam Manor Beach
Resort (Jurgen/Yasin/Frank/
Eugene)

Estafette Mix

One Happy Team (Johalys/
Anton/Mario/Sharenda)
Botica Di Servicio (Franco/
Katja/Patricia/Daniel)
Lekker Knallen (Yvette/Dan-
ielle/Joost/Joeri)

Estafette Dama

Aruba Malmok Runbellas
(Robin/Jorainne/Carolina/
Marit)
Las Super Atletas (Sandra
Paola/Ana/Yuli/Mary)
Suikertjes (Karina/Lisandra/
Monica/Ruthlyn)

Estafette 201 +

Aruba Malmok Runners 2
(Albertino/Lucien/Xenon/
Cornelis)
Fast Forward (Erick/Ursell/
Emilio/Sigfried)
Aruba Malmok Runners 3
(Armando/Julian/Fernando/
David)

Estafette 161 - 200

Viperstrong C (Jason/Ed-
ward/Oliver/Ezekiel)

5G Runners (George/Jade/
Mike/Arnold)
Sherwin-Williams Aruba 297
Runners (Oscar/Derrick/
Gerald/Ikel)

Estafette 121 - 160

Viperstrong B (Nagico) (Jon-
athan/Jareth/Romar/Kelvin)
Aruba Malmok Runners 1
(Juan Camilo/Paul/Marcio/
Rigoberto)
Brochi Runners (Esi Jimmy/
Liomar/Melrick/Gilbert L.)

Estafette Under 120

Viperstrong (Sport Caribe)
(Tristan/Christian David/Jethro/Zhyon)
CIS (Ferry/Kevin/Tristan/
Thijs)
Makamba (Piet/Maarten/
Niek/Jerry)

Duo Mix

LaVidaBella (Lana & Jesus)
Aruba Road Warriors (Patrick
& Gisela)
High Altitude Aruba (Sheryl
& Lars)

Duo Cabayero

Fast Forward (Jhonathan &
Akeem)
Hertz Lease (Jamil & Vince)
Duo Nooit Gedacht (Haye &
Tom)

Duo Damas

Paul & Nien (Nienke & Pau-
line)
Run For Your Heart KoMiEs

(Mirla & Esmerlida)
Run For Your Heart Running
Crimes (Mandy & Kimberly)
Potret di 297sports.



Otro negociacion entre oposicion y regimen di Maduro? Pa logra kico?

ORANJESTAD - E siguiente articulo ta gran parti di un articulo di periodista Juan Carlos Zapata pa Alnavio (España) den cual e ta duna un balance di e situacion na Venezuela, den cual e partidonan den e conflicto ta tratando na avansa cu nan obhetivo.

Otra negociacion entre regimen di Nicolas Maduro y oposicion Venezolano. Otro mas? Algun ta consider'e asina, uno mas. Sin embargo, e circunstancianan a cambia. Pa Maduro y pa oposicion, awor encabesa pa Juan Guaidó. Kico ta haci esaki diferente?

No ta e Noruegonan so. No ta e intermediacion aki so, cu a anota varios exito y ta conta cu poco credencial cu ta brinda credibilidad global. De hecho, e iniciativa ta inicia cu respaldo di varios factor, incluyendo Estadonan Uni y tambe, Habana. E Noruegonan a drenta den e asunto pa yega na un acuerdo. Ya duna muestra suficiente cu tal empeño ta den serio. Ya lo bira conoci mas detaye. Otro detaye.

Varios experto a bisa Alnavío cu tempo na e ocasion aki ta core contra Nicolas Maduro. Nan ta señala esaki pa kita di entrada caba e comentario cu gobierno di Maduro ta bay haci loke a haci na otro oportunidad: usa e dialogo cu e meta di gana tempo. Ta puntra nan pakico y nan ta bisa:

- Tin un pura cerca e militarnan. Y esey ta significa cu den e forsan arma e presion pa soluciona e conflicto ta halto. De hecho, loke a sucede dia 30 di april ta demostra esey. Entre e militarnan tin necesidad di yega na un acuerdo. Pero pacta, esey si. E militarnan no kier un golpi di estado. 30 di april a confirma cu e militarnan ta e arbitronan definitivo den e situacion. Diputado di Asamblea Nacional, Angel Medina, por ehemplo, tin e tesis cu e militarnan ta e uniconan cu a gana riba e fecha ey. "Politica a perde y e militarnan a gana." Si e situacion deteriora, kico e militarnan lo haci? Maduro sa di e probabilidad ey. Tambe e poder Cubano. Negociacion lo implica rescate di politica.

- Tin pura social. Placa ta cabando cu e regimen pa paga pa clientelismo. Tin un cuenta cla. Ta importando un promedio di 10 milyon di caha Clap na un prijs di 32 dollar. E productonan alimenticio cu ta den e cahanan di e programa social aki, ta representa hopi mas, 8 biaha mas, di loke un empleado publico ta gana na Venezuela. Tin un calculo haci



pa empresario: e salario minimo y e bono compensatorio ta suma 55.000 bolivar, y e productonan di e caha Clap 600.000 bolivar, al menos, asina e tabata na maart. Hende cu ta ricibi e ayudo ta mira e diferencia. E hendenan aki ta bay lanta contra Maduro? No. No pa e momento aki. Te ora cu placa caba y no tin nada mas, ni caha Clap, ni asina frecuente ni cu tanto producto.

Otro señal. Pdvs: petroleo y gasolin. E produccion ta sigui baha y gasolin ta birando mas scars. No tin gasolin pasobra empresa manera Repsol ta cobrando debe y a cambio di suministra nafta na Pdvs nan ta ricibi crudo na un prijs favorable. Pero e suministro aki ta coyuntural, di cuestion di siman. Kico lo pasa ora no tin gasolin mas y tampoco caha di Clap? Lo bisa cu den e momentonan mas grave di blackout y sin awa y telefon, e hendenan no a lanta contra gobierno. Pero e mesun escenario ey no ta bay ripiti. E pueblo a wanta y ta sigui wanta falta di electricidad. Corta e asistencia di e cahanan Clap ta otro tipo di detonante. Den e ultimo eventonan di dialogo y reflexion organisa pa partido PSUV, e partido di gobierno, e reclamanan mas scucha tabata tocante Clap y e combate contra corrupcion. Ex-ministro Elias Jaua a skirbi den e diario Aporeta un siman pasa: "Nan ta manifesta cu preocupacion cu ta informa Presidente cu e cahanan Clap mester yega cada 15 dia, mientras tin lugar unda nan no a ni yega mes ainda e aña aki; ta propone pa papia berdad." E expertonan ta vincula corrupcion no solamente cu e acto di horta sino tambe cu ineficiencia y buroc-

ratismo. Den e asunto di Clap tin un punto clave.

- Tin pura economico. Esaki di manera directo tin di haci cu e desastre. E empresanan publico ta destrui. E falta di produccion. E caida di PIB. E hiperinflacion. Empleo. Salario. Sin cu nada di loke ta concerni e crisis economico ta den e cuadro di solucion urgente. No den e politica di Maduro. Aki ta unda Chavismo a fracasa. Aki Maduro no ta ofrece solucion. Cu e sancionnan, e crisis ta bay empeora. Un dato: na 2018, 12% di e poblacion tabata conta ainda cu algo di poder di compra. E indice ey a reduci te na 8%. E dato ta surgi di un estudio coordina pa varios empresa di industria y comercio. E universo di consumidor antes tabata por a compra paña y aparato electrico. Awendia loke ta prioridad ta cuminda. Y esnan cu a keda cu poder di compra, ta pasobra nan tin dollar o ta conta cu remesa na divisa cu ta manda nan di exterior. E crisis tambe a pone e banconan na borde di precipicio, tanto esunnan publico como priva. Tin otro dato. Un industria di cerbes cu 3 aña pasa tabatin mester di 10 milyon tapa di su proveedor, na april a pidi apenas 3 milyon. E cifranan aki por duna un imagen con e cadena industrial ta sufri, y e consumo tambe, naturalmente.

Un urgencia diferente pa Maduro

E tres aspectonan menciona ta pone un urgencia grandi pa Maduro, un urgencia diferente pa negocia. Y nan no ta e uniconan. Pasobra por agrega e opcion Guaido. Si Juan Guaido no a sali den miho posicion di e sucedidonan di 30 di april, ainda e tin prestigio, voz, forsa, apoyo popular, y respaldo di comunidad internacional. E expertonan a castiga Guaido na ora di califica su persona. Si prome cu 30 di april e tabata haya 80 punto, awor e ta haya 70 o 65 punto. Pero Guaido ta representa e unidad opositor y no pasobra e dirigencia a decreta asina, (...) sino pa decision di pueblo. Di manera cu Maduro tin su dilanti un interlocutor cu suficiente arma. Y un di e armanan ey yama Estadonan Uni y tur loke e ta implica contra Maduro y su aliadonan: sancion, presion diplomatico, cerco economico y financiero, presion contra Cuba, Iran, negociacion cu Rusia, menasa di intervencion militar, etc. E expertonan ta señala cu si Guaido logra convence henter universo opositor di e negociacion aki, no lo sucede loke a sucede den pasado, tempo cu a bay negocia sin kier haci esaki. Y e no ta significa baha e presion riba caya o cu ta kita e sancionnan, por ehemplo. Al contrario, eseynan ta e cartanan pa pone riba mesa di negociacion, mas ainda ora e impacto grandi mes mester yega ainda. Di manera cu no ta necesariamente berdad, ni obvio ni automatico, cu e negociacion lo faborece Maduro, pasobra e lo logra gana tempo.



Parlamentario Endy Croes (MEP):

‘Hulanda ta condena Ernst & Young di un rapport onrechtmatig y falso den caso di Lotto’



ORANJESTAD - Parlamentario Endy Croes a splica cu diabierna ultimo, den oranan di mainta, su Abogado Anthony Ruiz a sorprend'e cu un yamada agradable, cual a trece masha hopi alegria den henter famia.

Despues cu Croes a gana Ernst & Young na HOF dia 16 di januari 2018, unda HOF a duna un veredicto y a conclui cu Ernst & Young ta culpabel di a traha un rapport ilicito y falso cu yen di engaño contra Croes, Ernst & Young a bay Cassatie na Hulanda.

Den un veredicto di 23 pagina di HOF na 2018, unda 3 hues a bay hopi detaya riba e modus operandi di Ernst & Young contra Croes. Decision na Hulandes den e vonnis ey ta como lo siguiente: “verklaart voor recht dat Ernst & Young zich schuldig heeft gemaakt aan een onrechtmatige daad jegens Croes”.

Ernst & Young como un compania multi misionario, mundialmente renombra como un di Big Four den

mundo di accounting, a dicidi di bay Cassatie na Hulanda. Pues den 2018, aunke Croes tabata hopi activo den su trabounan sirbiendo su pueblo como parlamentario, mester a sigui lucha contra e ‘monster’ cu un determinacion sin igual, hunto cu su abogado Ruiz y team, mas un team na Hulanda.

Diabierna ultimo sinembargo, veredicto di Cassatie a drenta, unda 5 hues na Hulanda a confirma e decision di HOF, esta cu Ernst & Young a comete un onrechtmatige daad contra Croes. Casi 10 aña di lucha feroz y sacrificio sin igual awor a yega su final. E&Y no tin mas caminda legal pa cana, y porfin e berdad awe lo keda hancra den historia.

Croes no a bay den detaye, pero kier invita henter pueblo di Aruba pa sigui e conferencia di prensa awe mainta 11am, unda Abogado Anthony Ruiz lo amplia riba e sentencia di Hoge Raad. Tabata un caminda di cruz, pero cu pasenshi bo ta gana gloria. Penado no ta pena pa semper, Croes ta termina bisando.

Anchelino Vrolijk di Partido POR ta puntra:

Ley di Financiamiento di Partidonan Politico; un fabeltje of un realidad?

ORANJESTAD - Pa decadanan largo nos por a scucha diferente politiconan papia riba e introduccion di e ley di financiamiento di partidonan politico. E pregunta cu ta surgi inmediatamente ta; ki importancia un ley asina lo por tin pa comunidad di Aruba? Un di e risiconan di mas grandi cu ta existi na mundo ta e acceso na fondonan publico, y enrikece famia of amistadnan door di duna fabornan politico. Nos tur sa cu un partido politico, y un politico, ta ricibi donacion di personanan den comunidad of companianan. Pa un partido politico por yega na su fondonan, mester organisa diferente tipo di fundraising pa por genera e fondonan necesario, pa por desempeña su rol den comunidad y mundo politico. Esaki ta algo hopi comun na mundo henter. Hulanda y Aruba no ta un excepcion riba esaki.

Ley di financiamiento politico na Hulanda

Na Hulanda ta existi e ley di financiamiento pa partidonan politico, unda cu tur aña partidonan politico mester en-



trega un relato financiero na Minister di Asuntunan Interno. Den e relato anual aki ta

raporta informacion concreto di tur esunnan cu a contribui cu un suma minimo di

4.500 Euro of mas. Tambe por observa donacion haci na politiconan individual. No unicamente donacion, pero tambe debenan cu por existi di un partido politico. E meta di dicho ley aki ta pa duna transparencia den e manera cu partidonan politico ta yega na nan fondonan, pa asina preveni cu hende por ‘cumpra’ of influencia un politico, pero tambe pa preveni (e aparencia di) conflicto di interes. Commissie Toezicht Financiën Politieke Partijen, cu ta e comision cu ta eherce e control riba cumplimiento di e ley di financiamiento di partidonan politico, a informa cu mayoria partido politico a cumpli. Pero tambe nan a duna di conoce cu algun sea no a entrega nan relato, no a haci esaki di e manera correcto of no a inclui relatonan di e candidatonan individual. Despues cu e comision a sigui insisti cerca e partidonan aki pa duna e informacion necesario/correcto, e partidonan a cumpli.

E comision ta di opinion cu fundacionnan cu tin como meta pa yuda financia campananan politico, tambe mester wordo obliga pa duna relatonan financiero.

Sistema di financiamiento pa partidonan politico na Aruba. Aruba ta un comunidad hopi chikito. Di un manera of otro, tur hende na Aruba ta conecta na otro. Esey ta haci cu un politico na Aruba por ta hopi vulnerabel na soborno y mester existi e instrumentonan pa no unicamente proteha un politico, pero tambe evita corrupcion den nos aparato gubernamental. Politiconan na Aruba ta ricibi donacion via nan propio fundacion of riba nan nomber personal.

Experiencia na Aruba a demostra cu ningun persona no ta duna algo sin spera algo bek. Pa yuda na kibra e ciclo aki, e ley di Financiamiento di Partidonan Politico lo mester por conoce luz di dia pronto. Den e Ley di Financiamiento di Partidonan Politico no solamente ta regula e parti di regulacion pa e partidonan politico, pero tambe e diferente dependencianan cu wordo crea for di e partidonan.

Dus pa conclui, un ley di e indole aki no lo conta unicamente pa un partido politico y su candidatonan, pero pa organizacion completo y su subsidiarionan.

Premier Evelyn Wever-Croes satisfecho cu biahe pa Merca

Relacionnan entre Merca, Corsou y Aruba estrecha pa por atende e crisis na Venezuela

ORANJESTAD - Premier Evelyn Wever-Croes ta mira atras riba un biahe hopi intensivo, pero hopi satisfactorio. Durante dos dia di trabou a hiba varios reunion, cu e tema central “crisis di Venezuela y e impacto riba nos islanan”, hunto cu Premier Eugene Rhuggenaat di Corsou. “Ta importante pa den Gobierno Mericano nan ta consciente cu nan decisionnan tin un impacto grandi riba nos pais.

Aruba tin su retonan grandi. Nos a hereda un problema financiero gigantesco, un economia stagna, un explosion social serio y aparte di tur esaki nos mester enfrenta retonan cu tratado y obligacionnan internacional ta trece cune. Nos Gobierno ta haciendo su maximo esfuerzo pa atende cu tur esaki. Ta dificil pa mancha un pais cu tur su retonan, y ainda mester mancha impacto di crisis den otro pais, cu nos no a ocasiona, pero cu ta impacta nos si. Y nos mester mancha tur e retonan pa evita un crisis den nos pais tambe y pa tene nos ciudadanonan tranquil. P’esey e reunionnan aki tabata asina importante” segun Premier Evelyn Wever-Croes.

A atende reunionnan cu entre otro Bonnie Glick, Deputy Administrator na US AID, riba e situacion humanitario na Venezuela. Premier Wever-



Croes a splica e impacto den nos pais y nos lo explora con nan por yuda nos alivia e situacion. A reuni tambe cu sr. Elliott Abrams, Special Representative Venezuela Na State Department riba e impacto di e situacion na Venezuela riba nos pais y e ultimo desaroyonan.

Tambe a reuni cu Luis Almagro, Secretario General di OAS, Organisation of American States cu ta hunga un papel importante den logra un tran-

sicion pacifico na Venezuela. A hiba combersacion di e esfuerzonan di OAS den esaki y kico mas por spera. A reuni tambe cu Under Secretary of State David Hale cual a yuda pa estrecha e lasonan entre Aruba, Corsou y Merca. David Hale a reconoce y gradici e Gobiernonan di Aruba y Corsou pa tur loke nos paisnan ta haciendo den atende e presionnan di e crisis di Venezuela. Nan a reuni tambe cu Deputy National Security Advisor Charles Kupperman riba e ries-

gonan den seguridad cu un migracion masal sin precedente. Den e reunionnan por a nota hopi comprension di parti di e autoridadnan Mericano y nan disponibilidad pa yuda Aruba y Corsou.

KICO TA SIGUIENTE PASO?

“Mi siguiente paso ta pa bay Hulanda tambe fin di luna pa atende e tema importante aki. Mi lo delibera cu Premier Rutte y cu Staatssecretaris Knops riba e impacto grandi di e crisis riba nos pais. Tambe mi lo reuni cu e comision di Reino den Eerste y Tweede Kamer riba tres topico: Venezuela, integridad y finanzas publico. Ta importante pa nan scucha di mi con e situacion ta y unda nan tambe por yuda.

E impacto di e crisis di Venezuela riba nos pais ta hopi grandi, y ta hopi importante pa Parlamento y Gobierno Hulandes tambe ta na altura di esaki. E crisis di Venezuela no ta un crisis di un pais of un region so mas. E ta un crisis mundial. Aruba ta un di e paisnan cu ta wordo afecta mas severamente y sin cu nos ta haya ayudo financiero di ningun banda. Ta momento pa Reino y pa comunidad mundial comparti e peso aki. Nos so no por carga esaki mas den nos region”, segun premier Evelyn Wever-Croes.

Minister Lampe a reuni cu profesionalnan di Hulanda y Canada

ORANJESTAD - Den e siman tras di lomba Minister dr. Armando Rudy Lampe tabatin diferente encuentro riba diferente topico cu ta regarda su ministerio y sigur Minister Lampe, como un persona dinamico y cu kier mira accion, a sinta cu diferente di e grupo of representantenan pa sigui traha na beneficio di Aruba en general.

Por menciona cu Minister Lampe a sinta cu ‘stuurgroep’ Scol Saludabel Aruba y cu e ‘stuurgroep’ pa cu Mi-

leau Educatie, cual tabata na Aruba Ollof Menema di gemeente Den Haag cu ta asisti nos profesionalnan pa e proyecto Mileau Educatie, sea uno exitoso.

Tambe a sinta cu Minister Lampe Trudy Judith cu ta representa University of New Brunswick, cual ta un institucion cu ta estableci na Canada. E bishita di Judith tabata uno di cortesia y alaves pa informa Minister Lampe di e posibilidad pa nos studiantenan sigui studia tambe cerca nan universidad, cual tambe ta uno interesante, teniendo en cuenta cu Canada ta bi-



rando un destino basta frecuente pa bay sigui studia.

Den siman Minister Lampe tambe a haya un chens pa bay deposita su voto pa cu eleccion pa Parlamento Europeo, na unda cu e lo kier a motiva un y tur, pa bay vota pa asina aki, nos haya representacion y bos tambe den decisionnan cu ta tuma luga na Europa.



Minister Dangui Oduber:

Indicadornan di Turismo ta confirma e maneho exitoso di minister Dangui Oduber



ORANJESTAD - Manera ta conoci aña 2018 tabata un di e miho añanan den historia di Turismo pa nos pais. Tur e indicadornan a demostra y confirma cu e maneho desde cu min-

ister Dangui Oduber ta minister di Turismo a sinti un cambio. Cantidad di bishitante a aumenta apesar cu nos a perde e Mercado Venezolano debi na e situacion economico ey-

nan. Cantidad di placa cu turistanan ta laga atras a crece cu casi 9%, algo nunca antes bisto. Cantidad di turistanan crucero a yega record di 815.000 y sin lubida e REV PAR y grado

di ocupacion cu tawata sumamente halto. Den e rapport emiti pa Banco Central nan ta subraya y señala esaki tambe. Turismo ta keda nos driver principal di nos economia y ta pesey ta importante tambe pa nos conserva y proteha loke nos tin pa ofrece pa di e manera aki Turismo keda algo sostenibel.

Aña 2019 no ta diferente di aña 2018 y nos tawata tin un 'high season' mas largo. E indicadornan di e prome 4 lunanan di aña ta sumamente positivo y esaki sigur ta danki na tur esunnan cu ta yuda engrandece nos Turismo. Tur nos partnernan, e sector hotelero, tour operator, taxi, restaurant, duaneronan, inmigracion, polisnan, companianan di watersports, artesanonan y sin lubida tur empleado cu ta labora den e industria aki. E ta un esfuerzo en conhuntito di nos tur pa percura cu Turismo ta sigui den e bin direccion.

Minister Oduber ta convenci cu e maneho y vision cu gobierno tin pa cu turismo lo sigui duna resultado. Nos kier un desaroyo sostenibel y netamente pa e motibo aki a scoge bay den desaroyo estilo "Boutique Hotels". E impacto di hotelnan chikito asina ta menos den tur sentido di palabra. Banda di esaki, ta haciendo e inversionnan necesario pa percura cu nos pais por keda eleva e grado di servicio.

Di e manera aki lo inverti \$275 miyon dollar den renovacion y ampliacion di nos aeropuerto. A inverti 16 miyon florin den compra di un tugboat nobo y tambe nos ta den pleno preparacion pa cuminsa checucion di e Proyecto Port City Aruba cu lo bay genera empleo, lo stimula economia y lo crea entrada pa gobierno di Aruba. Aruba tin un futuro briyante nos dilanti y nos ta keda e diamanta den Caribe y pesey ta asina importante pa nos por proteha y conserva loke nos tin.

Parlamentario Rocco Tjon (MEP):

Na augustus bario di Yara den districto Savaneta lo haya caminda di asfalt

ORANJESTAD - Manera ta conoci e esencia di e maneho di Gabinete Wever-Croes ta pa dentro di e margen financiero existente ehecuta mas hopi proyecto posibel. Pesey tambe na un manera structural y responsabel diferente bario rond Aruba a cuminsa wordo asfalta, segun e maneho di e Minister di Infraestructura.

Bario di Yara

Hopi habitante di e bario di Yara a acerca nos pa splica e necesidad pa asfalta e diferente camindanan den e bario. Esaki pa entre otro eleva e siguridad den bario mirando cu tin hopi mucha y e molester di hopi stof cu e camindanan di santo ta ocasiona.

Importante pa nota tambe ta debi na e compleho deportivo na Yara e volumen di trafico ta hopi pa un bario. Adicional tambe e bario aki conoce diferente caminda cu tin un entrada y salida so. Es decir e molester ta mas aun pa e habitantenan di e bario aki.

Pa Conclui

Mesora a entrega e peticion aki den nomber di e habitantenan na Minister di Infraestructura. Ayera nos a wordo informa cu segun planificacion di DOW esaki lo wordo ehecuta den luna di augustus of september venidero.



Anochi informativo tocante prevencion di abuso sexual di mucha

ORANJESTAD – Varios organisacion a bin hunto pa organisa anochinan informativo den bario, tocante prevencion di abuso sexual di mucha den luna di mei y juni proximo.

Arubaanse Padvindsters Gilde (APG), Fundacion Lisette Gomez, Mitsy Willems Fundacion Psicológico conjuntamente cu Gobierno di Aruba a uni forza pa informa y conscientisa riba prevencion di abuso sexual di mucha. Con pa reconoce señalnan, trata cu situacionnan cu por surgi y unda pa acudi pa ayudo inmediato.

Tur hende den barionan, adultonan y hobennan ta keda invita pa e encuentronan:
MFA Paradera dia 21 di mei 2019
MFA Sta. Cruz dia 28 di mei 2019
MFA Savaneta dia 4 di juni 2019
MFA Noord dia 11 di juni 2019
Orario: 7pm

Nos como comunidad so por stop e silencio, y ban lanta para pa siña proteha nos muchanan. Nos muchanan na Aruba ta responsabilidad di nos tur, y door di trata e tema aki nos por yuda e futuro di e muchanan, cual ta e futuro di Aruba.



Pro-Catedral San Francisco di Asis:

Fiesta di Santa Rita di Cascia celebrando 100 Aña di Consagracion di Misa

ORANJESTAD - Pastoor Stanislaw ta invita tur devoto di Santa Rita y Pueblo di Aruba en general, pa e acudi na e Fiesta di Santa Rita dia 22 di mei, pa 7or di atardi.

Santa Rita un Santo stima, un Santo pa momentonan di desesperacion y den casonan unda cu bo no ta mira solucion mas pa bo problemanan, un Santo pa casnan di famia, un Santo pa hende muhe cu no por sali na estado, un Santo den caso di enfermedad incurabel, of ora bo no mira un solucion mas pa bo problema.

Pidi'e pa intercede pa bo cerca Tata. Santa Rita un Santo cu tabata esposa y mama. Rumannan, no perde e oportunidad aki pa pidi



Santa Rita pa intercede pa nos tur, specialmente awor cu tin tanto divorcio y yiunan cu ta lanta sin nan mayornan.

Nos ta spera henter Aruba pa bin hunto pa nos festeha e dia importante aki.



We announce the passing of



Patricia Ochsner-Axford

*20-08-1942 †16-05-2019

Farewell service will be held on Thursday
May 23rd, 2019 at Aurora Funeral Home
from 2 to for 4 pm



"Haya mi falta, pero lagami bay.
Mi a yega final di e caminda, solo a baha pa mi
Mi no kier pa ningun hende yorami
Sinti mi falta pero no pa hopi largo
No desespera!
Recorda e amor cu nos a comparti."

Cu dolor na nos curason pero conforme cu boluntad di Dios,
Nos kier anuncia fayecimento di:



**Maria Teresita "Chita" de
Cuba-Arendsz**

*28-01-1930 †16-05-2019
Viuda di Edwin O.J. de Cuba

Yiunan:

Edwina y Victor Loefstop-de Cuba y famia
Josephine de Cuba y famia
Raymond y Sherry de Cuba-Kilcollins y famia
Emile y Susan de Cuba-Roberts y famia
Edeline de Cuba y famia
Michael y Natalie de Cuba-Diaz y famia

Mescos cu yiu: Robby Domacasse y famia

Nieto y Nietanan:

Jairo y Kathy Loefstop-Mora y famia
Jael Loefstop y Ranford Celestina y famia
Danny Lopez Henriquez y Giovanna Cardona y famia
Emilia Lopez Henriquez y famia
Conray y Michelle de Cuba-Heaton y famia
RJ de Cuba y Samantha Seitz y famia
Rachel y Matthew Batty-de Cuba y famia
Chelsi de Cuba
Gabriel de Cuba
Ayxel Kock y Lyëne Aponte y famia
Aldwin Kock y Daphnie Hart y famia
Angerie Kock y Bryan de Cuba y famia
Amanda y Giorgio Lopez-de Cuba y famia
Ilana de Cuba
Alina de Cuba

Bisanietonan:

Jade
Isabella y Bastian
Tristan, Amalia y Liam
Scarlet-Jade y Eden Sky
Alyxiëne
Lucas y Ethan

Rumannan:

†Adri y Chima Arendsz-Croes y famia
†Milda y †Jenny Wever-Arendsz y famia
†Max y Lilian Arendsz-Galmeyer y famia
Rembert y Casilda Arendsz-Croes y famia
Enny Arendsz
Norman y Mena Arendsz-Croes y famia
†Roland Arendsz y famia
Clyde y Annie Arendsz-Tromp y famia
†Tintina Lacle

Cuñ/Swa:

†Helen de Cuba y famia
†Norma y †Wim de L'or-de Cuba y famia
†Ernesto y †Vilma Arends-Rijna y famia

Subrinonan, subrinanan, prima-nan, primo-nan, lhanan y demas famia: Arendsz, de Cuba, Wever, Harms, Arends, Lacle, tur su amigo y amiganan di Flor de Violeta y di Club kibrahacha 60+

Nos ta pidi disculpa si den nos tristeza nos por a lubida un of otro famia

Dia pa condolencia lo ta diamars, 21 di mei 2019 na Aurora Funeral Home entre 7pm cu 9pm
Acto di despedida lo ta diaranson, 22 di mei 2019 na Aurora Funeral Home di 2pm pa 4pm, despues sigui pa acto di cremacion den ceno familiar.

Nos ta lamenta cu despues di entiero nos no ta ricibi bishita di condolencia na cas.

Enbes di krans of flor un donacion pa Club kibrahacha 60+ lo ta altamente aprecia.



Mi ke alabá SEÑOR tur tempo,
Su alabanza lo no kita fo'i mi boca,
Mi alma ta gloria den SEÑOR,
Laga humildenan bin tende y gosa.
Canta grandesa di SEÑOR huntu cu mi,
ban alabá SU Nombor tur huntu!
Salmo 34

To those I may have wronged, I ask forgiveness
To those I may have helped, I wish I did more
For those I neglected to help, I ask understanding
To those who helped me, I sincerely thank you so much

Cu inmenso tristesa y dolor na nos curason, nos ta participa fayecimento inespera di nos querida



Angelica Dubero

Ere medaille in goud in de orde van Oranje Nassau

Na number di su jiu:

Sra Vda Ingrid Croes-Dubero y † Leo Croes

Su nieto stima:

Leonard Croes y Kiandra Geerman

Rumannan:

Rubia Dubero

Elva Dubero y fam.

† Rosa y † Luis Peña-Dubero

† Leoncio Dubero y Minerva Dubero-Pichardo

† Feliz Dubero y Elsa Dubero-Werleman

† Edie Dubero y Corrie Dubero-Stal

† Frank Dubero

Tanta: Sra Vda Suitbertha Croes-Dubero

Sobrino y subrinanan stima :

Zahira y Chommy van der Linde-Dubero y fam,

Chito y Chica Peña- Winterdal y famia, Edna

Peña, Jenny y Lourdes Bregita-Peña y fam.,

Robby y Mayra Peña-Kelly, Alvin y Yadsy Peña-

Tineo y fam., Franky y Mimi Peña-Suarez y fam.,

Manuel y famia, Chepito Dubero, Evelyn y Dennis

Posoy y fam., Iris y Dick-Voets-Dubero, Javier y

Ludwina Dubero-Flanegin, Veronica Heykoop y

fam., Rosemary Dubero y fam., Yvonne y Richard

Stal-Dubero y fam.

Primo y Primanan, bisifaninan, Comer y

Compernan, ahijado(a)nan, amiganan, ex

coleganan di Mansur Trading, Casa Juvenil y

Furniture Outlet Center.

Demas Famia: Dubero, Lampe, Croes, Peña,
Pichardo, Werleman, Stal, Thiel, Maduro, Everon y
demas famia

Ta invita pa acto di entierro, cual lo tuma lugar,
diamars 21 di mei 2019 di 2or pa 4or na Misa
Inmaculata Concepcion na Sta Cruz y despues pa
Santana Catolico de Vries

Anochi di condolencia dialuna 20 di mei di 7or pa
9or na Aurora Funeral Home.



**Dios ta nos refugio,
E ta nos fortaleza,
El a resulta un yudador den mester.
Salmo 46:1**

**Cu dolor na nos curason nos ta anuncia
fayecimento di nos ser keri:**



Sra. Cadencia Pierre

Mihor conoci como 'Cadens' y "ruman Ca"
***01-05-1948 - †03-05-2019**

Na number di su:

Yiunan: James Milrose (Aruba)

Avid Milrose (Haïti)

Francis Milrose (Haïti)

Francois Milrose (Haïti)

Nietonan: Dens Milrose

Paila Milrose

Rumannan: Beauger

Cuñanan: Sansarick Milrose, Luc Milrose,
Emmanuel Milrose, Haive
Milrose, Sergio Milrose

Sobrina stima: Leccilia Pierre

Sobrinonan: Louis, Tanis, Lafleur y
Luckner Jean Louis

Primo y primanan, comernan, amigo- y
amiganan, bisifaninan y cnocirnan

Rumannan di Iglesia Assamble de la Gracia di
Pastoor Juan Dieufort Dorimond

Demas Famia: Peirre, Milrose Raymond
Lafleur, Flezin

**Fama Pierre ta invita pa acto di entierro
cual lo tuma lugar na Iglesia Assamble de la
Gracia diasabra 25 di mei 2019 di 2or pa
4or di atardi. Despues lo sali pa Santana
Central Sabana Basora.**

**Condolencia lo tuma lugar na Aurora
Funeral Home diabierna 24 di mei 2019 di
7or pa 9or di mainta.**



Lagrima y flornan por seca su recuerdonan y tur loke
e la hasi y significa pa nos lo keda graba pa semper
den nos mente y curason.

"Cerca Dios mi alma ta na paz, ta di dj'E mi salvacion
ta bini"

Salmo 62:1

Cu tristesa na nos curason pero conforme cu Dios su
boluntad nos ta anuncia cu a bai sosega den brasa di
Señor.



Jose Maduro

mihor conoci como: " Jo "

27-08-1932

†16-05-2019

Na number di su:

Casa: †Sarah Margaretha Maduro-Leest

Yiunan: Russel Maduro

Sra vda. Beatrix Sint Jago-Maduro y yiunan

†Frenky Maduro y yiunan

Miranda Maduro

Robert Maduro y yiunan

Angel Maduro

Andresito y Belinda Maduro-Peña y yiunan

Rita Maduro y Suresh Chandiramani y yiunan

Anthonito (Baby) Maduro y yiu, Nubia

Gregorio (Toesi) Maduro y yiu

Angelina Gross-Maduro y Rafael Gross y yiunan

Mayornan: †Epifanio Maduro
y †Rita Maduro-Henricus

Rumannan: †Basilio Maduro

†Sixto Maduro y †Pina Maduro y yuinan

Luis Maduro y yuinan

Celedonia Kelly-Maduro

Mihor Amigo: Fidel de Cuba

Miembro Fiel di Bucuti Yacht Club y ex colega nan
di ASTEC.

Nieto y nietanan, bisanieto y bisanietanan, swa y
cuñanan, comper y comer, primo y primanan,
ihanan, bisifaninan, amigonan y conocirnan.

Demas famianan: Maduro, Henricus, Leest, Koffie,
Dirksen, Wernet, De Cuba, Gomez, Ras, Tromp,
Everon, Dania, Boekhoudt, Marval, Peña,
Chandiramani, Cameron, De l'sle, Franken,
Werleman, Dirks, Kelly, Farro, Rodriguez,
Ridderstaat, Sint Jago, Pena, Wolff, Figaroa, Rosa,
Albertsz, Koolman.

Ta invita pa asisti na e acto di condolencia cu lo
tuma lugar na Royal Funeral Home diamars dia 21
May 2019 for di 7or pa 9or.

Acto di despedida lo tuma lugar na Royal Funeral
Home, diaranson dia 22 May 2019 for di 2or pa
4or. Cremashon lo tuma lugar den cena familiar
solamente.

Nos ta lamenta cu despues di entierro nos no por
ricibi bishita di condolencia na cas. Nos ta pidi nos
disculpa si den nos tristesa nos por a lubida algun
persona of famia, nos ta pidi nos mas sincero
disculpa.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 19 Mei 2019 Merdia

CATOCCHI
Sorteo # 2565
4453
1278
6178
BIG 4
Sorteo # 2565
7420
10FF
Sorteo # 621
0058
ZODIAC
Sorteo # 2565
0585
Tauro
KORSOU
Sorteo #

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	190.000,-
LOTTO DI DIA	
Sorteo # 4767	03-16-17-22-26
0 x Jackpot	Proximo Jackpot
2 x Match 4	52.000,-
73 x Afl. 8,00	
MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	350.000,-
0 x Afl. 50,00	
0 x Afl. 15,00	
MINI MEGA PLUS	Afl. 450.000,-

Bo cadena di number di suerte
ta presenta resultado di awe
Alexander

18 mei 2019	19 mei 2019
DIARIO 0587-8711-7961	DIARIO 5577-4282-5124
18 mei 2019	19 mei 2019
SUPER 5578	SUPER 6349
4	4
19 mei 2019	
Sto. Domingo 6493-3847-7711	
18 mei 2019	19 mei 2019
FLAMINGO 7075-0064-1040	FLAMINGO 5234-8715-2022



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 18 Mei 2019 Anochi

CATOCCHI
Sorteo # 6783
4758
3500
9736
BIG 4
Sorteo # 5827
8790
10FF
Sorteo # 532
3801
ZODIAC
Sorteo # 4586
0918
Sagitario
KORSOU
Sorteo # 2409
6660
5360
7035

LOTTO 5	
Sorteo # 2000	15-16-19-26-31
0 x Jackpot	Joker 25 Letter A
0 x Match 4+	
1 x Match 4	190.000,-
91 x Afl. 12,00	
LOTTO DI DIA	
Sorteo # 4766	01-03-06-16-25
0 x Jackpot	Proximo Jackpot
7 x Match 4	51.000,-
111 x Afl. 8,00	
MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	350.000,-
0 x Afl. 50,00	
0 x Afl. 15,00	
MINI MEGA PLUS	Afl. 450.000,-



Aries

Lo bo bay tin banda di bo e persona cu bo kier. Cuminsando e siman aki lo bo bay tin den bo mannan hopi opcion, oportunidad y yabinan cu lo habri algun porta. Number: 8, 10, 27 y 28.



Tauro

Bo gevoel lo acerca bo na esun cu bo stima. E sentimento ey cu ta draai rond di bo, lo sa di acerca bo na e persona corecto, tanto emocional como desde otro punto di bista. Number: 11, 33, 41 y 48.



Geminis

Bo chispa Geminis ta hopi activo y lo bo por haci varios cos pareu, cual ta bon, di un banda, pero peligroso di un otro ya cu ora bo kier abarca hopi, bo por lubida cosnan importante. Number: 12, 23, 31 y 38.



Cancer

Luna, bo astro lo envolve bo cu un tono encanta. Bo curason no ta gañado y lo conduci bo pa amor y dicha. Lo bo nota con cada dia cu pasa lo bo madura mas y lo bo sinti bo mes miho. Number: 8, 16, 25 y 34.



Leo

Bo soñonan di amor lo materialisa. Durante e etapa aki lo bo experimenta sentimentonan haya: algun duda existencial, otronan cu por compara na desilusionnan of decepcion. Number: 4, 16, 27 y 48.



Virgo

Lo bo tuma un decision hopi significativo y oportuno. Lo bo tin opcionnan interesante, algun miho cu otro y lo importante ta cu lo bo por bay por defini loke mas ta cumbini bo. Number: 3, 18, 21 y 40.



Libra

Lo bo haci algun ahusta cu lo ta hopi oportuno. Corda cu esun cu no ta wordo satisface cu loke e tin, nunca e lo keda satisfecho cu algo. Esey no lo implica conformismo. Number: 15, 23, 31 y 48.



Scorpio

Lo bo bay tin un compra cu lo bay duna bo bon resultado. E transito di luna uni na e accion di astro, Pluto, lo duna bo energia y lo yena bo cu confiansa ampliando bo vision general di bida. Number: 8, 14, 26 y 32.



Sagitario

Esaki ta tempo di realisacion den bo bida amoroso. Loke bo a busca lo aparece. No laga bo mes hiba pa ningun emocion negativo cu na fin y al cabo lo unico cu ta causa den bo ta miedo. Number: 27, 29, 34 y 46.



Capricornio

Amor y fortuna ta cobra un giro diferente. Bo ta hopi vulnerabel na manipulacion di personanan cu ta pone trampa carga cu trasteria y falta di sinceridad cu por bisa bo un cos. Number: 8, 17, 23 y 35.



Aquario

Sigui bo inspiracion y sentimento den e momentonan aki. Tin un proyeccion di bo astro cu tin dos aspecto movi. Si bo ta buscando pareha lo bo bay haya esey y si bo tin un relacion bo por mehora. Number: 3, 19, 24 y 28.



Pisces

Esaki ta un dia di movimiento economico y amor. Bo ta bibando un di e miho momentonan di bo bida pues e ultimo dianan di e luna di september por coincidi cu alegrianan grandi. Number: 27, 33, 39 y 44.



Cas Di Cultura

Vondellaan 2 Aruba
297-582-1010

FADA

Campanastraat 5 Aruba
297-583-2999
297-583-9610

FAVI

Primavera 233 Aruba
297-582-5051
297-582-5222

FEPO

Engelandstraat 15 Aruba
297-583-1016
297-583-6607

Fundacion Hende

Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba

297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14 Aruba

297-588-3376

Famia Planea (SBVO)

Avenida Milio J Croes 17 B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)

Tel: 736-2952 or 593-7081

A1 Taxi Services Aruba

Italiestraat 50 lokaal 7
Tel: 587-8850

Tel: 280-2828

Whatsapp: 592-7024

E-mail: a1taxiservices.aruba@hotmail.com

Mobility Equipment Hire

Tel: 568 5165

Dokter na warda



Oranjestad

Hospital
7:00 pm / 10:00 pm

San Nicolas

Dr. Boderie
Imsan

Botica na warda

Oranjestad:

Eagle
Tel. 587 9011

San Nicolas:

Centro Medico
Tel. 584 5794

SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



Schedule mei 2019

			ARR	DEPT	BERTH
WED	01	FREEDOM OF THE SEAS	07.00	23.00	C
		MONARCH	08.00	15.30	B
THU	02	CARNIVAL CONQUEST	08.00	16.00	C
TUE	07	FREEDOM OF THE SEAS	08.00	21.00	C
WED	08	ADVENTURE OF THE SEAS	08.00	17.00	C
		MONARCH	08.00	15.30	B
THU	09	CARNIVAL HORIZON	08:00	16:00	C
WED	15	MONARCH	08.00	15.30	C
TUE	21	FREEDOM OF THE SEAS	08.00	21.00	C
WED	22	MONARCH	08.00	15.30	C

Centrale Bank van Aruba

Daily Exchange Rates - 05/17/2019



CENTRALE BANK VAN ARUBA

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.30	1.32	1.34
CHF	175.98	176.70	177.50
GBP	2.20	2.25	2.31
JPY	161.03	162.50	164.13
EUR	197.05	198.85	200.84
DKK	25.64	26.36	27.16
NOK	19.28	20.00	20.80
SEK	17.43	18.15	18.95

For amounts up to Afl. 100,000

EMERGENCIA	
911	
POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD	
Setar	117
Web	525-4600
Elmar	523-7147

FUNERARIA	
Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Pronostico di Tempo



Tempo:

Parcialmente nubia, un poco 'stofferig' cu chens riba un awasero pasahero. Temperatura maximo 33 grado Celsius. Temperatura minimo 27 grado Celsius. Bahada di solo: 6:58pm. Subida di solo: 6:14am.

Biento:

Moderate te basta fuerte for di direccion generalmente oost; Forsa 4 te 5 (20 te 39 km/ora, 11 te 21 nudo) Den dia fuerte te duro den rafaga;

Forsa 6 te 7 (40 te 61 km/ora, 22 te 33 nudo).

Situacion general di tempo:

Den proximo 24 ora e masa di aire relativamente seco den region lo stroba formacion di nubianan cu por produci awasero den region local. Sinembargo, un awasero pasahero lo por desaroya den oranan di marduga. Durante e siman venidero, humedad lo aumenta un tiki y esaki lo pone e chensnan

pa awasero den region local tambe aumenta. Di otro banda, por bisa cu stof fini den aire lo stroba visibilidad un poco den proximo dlanan.

Condicion di lama:

Olanan di lama lo ta for di direccion oost cu haltura di 4 te localmente 7 pia. Ta pidi ocupantenan di boto chikito pa eherce cautela riba lama habri, specialmente na parti oost te noordwest di area di costa.

Kozlov Dance Academy ta presenta 'Firebird'

ORANJESTAD - Studiantenan di Kozlov Dance Academy lo bay presenta e 'Student Showcase' cu lo tuma luga na Cas di Cultura riba diadomingo dia 2 di juni 3:00pm.

E presentacion lo encera e studiantenan den varios bailenan di ballet clasico. E studiantenan ta practicando desde januari unda cu varios bailado cu rol principal ta atende klas 5 biaha pa siman. Nan ta sumamente emocionada pa trece dilanti nan progreso na comunidad den forma di ballet clasico cu calidad tecnicamente y artisticamente. E highlight di e presentacion lo ta un di e ballet mas conoci, 'The Firebird', cu ta basa riba un storia di e animal mitologico, e Firebird. E ta un storia di magia y amor cu a ser disfruta pa hendenan rond di mundo u di tur edad, desde e prome presentacion na Paris

na aña 1910. Ta extraordinario cu e ballet aki ta bay ta presenta completamente door di studiantenan di Kozlov Dance Academy, incluyendo e rolnan principal. E decor tabata diseña specialmente pa e produccion den tayer di Bolshoi Ballet na Moscow. Carchi ta obtenibel pa solamente 35,- florin na Kozlov Dance Academy (Vondellan 19-D) y Van Dorp Bookstore (Dakota). Adicional, Kozlov Dance Academy dirigi door di Leonid Kozlov, strea internacional di Bolshoi Ballet, Rusia y New York City Ballet, lo cuminsa bek, cu nan di 7 temporada, dia 26 di augustus 2019 y lo ta pa edad di 4 aña te cu adulto.

Pa mas informacion di nos programa y lesnan por bishita nos website www.kozlovdance.com, por like nos riba Facebook/Instagram of por yama na 564-2670.



Dr. Dellanire Y. Maduro

Bo sa bo numbertan?

ORANJESTAD - Manera e titulo ta bisa "Bo sa bo numbertan?" Esaki ta nifica si bo sa bo numbertan di presion. Si bo no sa esaki, a yega e momento pa realisa un chequeo di presion.

Ki ora nos ta papia di un presion normal? Presion arterial ta e presion cu bo sanger ta circula cune den bo adernan (curpa). Ora bo curason ta contrae, esey ta haci cu bo sanger ta wordo 'gepomp' den bo adernan. E presion na e momento ey ta esun di mas haltu. Esey nos ta yama presion sistolico. Ora bo curason relaha, e ta crea un presion mas abou. Esey nos ta yama presion diastolico. Bo presion ta cambia constantemente. Si bo core, e presion ta bira mas haltu compara cu si bo ta sinta trankilo.

Pa por midi presion arterial corectamente mester:

- Evita cafeina, actividad fisico, huma 30 minuut prome
- Si mester bay baño pa orina, ta ideal pa haci esaki prome cu midi presion
- Sintu 5 minuut trankilo, relaha, no papia
- No crusa pia, pia mester ta plat riba vloer
- Sintu stret, lomba contra e lomba di stoel
- Percura cu e camber/area unda lo midi presion tin un temperatura apropiada

Presion Sistolico normal: < 120 mmHg
Presion Diastolico normal: < 80 mmHg
Ki number ta wordo considera Presion Halto? Pa haya sa si bo ta sufri di presion halto, ta haci mas enfasis riba e presion sistolico. Mester midi esaki 2 pa 3 biaha riba e mes un dia i riba diferente dia. Si bo tin menos di 70 aña di edad i e promedio di e presion sistolico ta

140mmHg of mas haltu e momento ey nos ta papia di presion halto.

Si bo tin mas di 70 aña di edad i e promedio di e presion sistolico ta 150mmHg of mas haltu nos ta papia di presion halto e momento ey. Sintoma/ keho ora un persona tin presion halto Mayoria di biaha bo no ta sinti nada, den caso nan extremo bo por sinti marea, bo vision ta bira wazig (blurry), dolor di cabes of sacamento. Bisando esaki no warda te ora bo sinti algo, realisa bo chequeo, sa bo numbertan.

Dicon bo presion ta haltu?

Diferente cos por causa presion halto, esaki ta varia pa persona, mas edad bo tin mas grandi e riesgo ta bira pa haya presion halto. Den algun famia presion halto ta algo comun. Esakinan ta algun factor cu por aumenta bo presion:

- Tin sobrepeso
- Huma
- Hopi salo den cuminda
- Comi hopi drop
- Bebe hopi alcohol
- Como cosnan cu vet
- Algun medicamento, manera pildo pa dolor (ibuprofen, naproxen, diclofenac) of corticoesteroides (prednison).
- Pildo pa planifica (de pil)

Tur e factornan aki por causa cu bo adernan ta bira stijf y e canal den e ader ta bira mas chikito, e adernan ta bira mas duro esaki ta causa cu e presion di bo arterianan ta aumenta.

*Den algun caso e presion halto ta wordo causa door di un problema di riñon.

IBISA y otro stakeholders ta realisando chequeo di presion diferente dia, na diferente luga. No perde e oportunidad aki.

Bo salud ta den bo man, controla bo presion, sa bo numbertan!

50 Caribbean Cinemas

PH VIP At Paseo Herencia 582-3693

PBP Palm Beach Plaza Mall 586.0074

caribbeancinemas.com

Caribbean Cinemas Aruba

MORE VARIETY IN PROGRAMMING AND SHOWTIMES NOW WITH 14 SCREENS!

MAY 16-22

THE SLEEPING BEAUTY

BOLSHOI BALLET

SUNDAY, MAY 19 AT 1:00PM

KEANU REEVES | HALLE BERRY

CHAPTER 3

JOHN WICK

PARADELLUM

WITH SPANISH SUBTITLES

PH	MON-THU	5:25	8:20
	FRI	5:25	8:20
PH	SAT	2:30	5:25
	SUN	2:30	5:25

DENNIS QUAIL | KATHRYN PRESCOTT

A DOG'S JOURNEY

WITH SPANISH SUBTITLES

PH	MON-THU	4:10	6:35	9:00
	FRI	4:10	6:35	9:00
	SAT	1:45	4:10	6:35
	SUN	1:45	4:10	6:35

YARA SHAHIDI | CHARLES MELTON

THE SUN IS ALSO A STAR

WITH SPANISH SUBTITLES

PH	MON-THU	4:40	7:00	9:20
	FRI	4:40	7:00	9:20
PH	SAT	2:20	4:40	7:00
	SUN	2:20	4:40	7:00

RYAN REYNOLDS | JUSTICE SMITH

PIKACHU

WITH SPANISH SUBTITLES

PH	MON-THU	5:50	8:15
	FRI	5:50	8:15
	SAT	1:00	3:25
	SUN	1:00	3:25

ROBERT DOWNEY JR. | CHRIS EVANS

AVENGERS

ENDGAME

WITH SPANISH SUBTITLES

PH	MON-FRI	4:35	8:20
	SAT-SUN	12:50	4:35

KELLY CLARKSON | NICK JONAS

UGLYDOLLS

WITH SPANISH SUBTITLES

PH	MON-FRI	4:05
	SAT-SUN	2:05

ANNE HATHAWAY | REBEL WILSON

HUSTLE

WITH SPANISH SUBTITLES

PH	MON-THU	5:00	7:15	9:30
	FRI	5:00	7:15	9:30
	SAT	2:45	5:00	7:15
	SUN	2:45	5:00	7:15

OPENING MAY 23: ALADDIN, BRIGHTBURN, CASI FIEL

THE MAGIC OF THE MOVIES ON YOUR MOBILE DEVICE

Download on the App Store

GET IT ON Google Play

Homber sentencia na 18 luna di prizon pa menasa contra Ajit Pai

CALIFORNIA (TheVerge) – Diabierna ultimo, un homber na California a wordo sentencia na mas di un año y mey di prizon, pa menasa di mata presidente di Comision Federal di Comunicacion, Ajit Pai, y su famia, tocante e decision controversial di e agencia di elimina neutralidad di internet.

E menasa a tuma luga na december 2017, mientras FCC a vota pa elimina neutralidad di internet, bou liderazgo di Pai. Mientras e dia di votacion a acerca, un homber yama Markara Man, di 33 años di edad, a cuminsa manda email pa Pai, menasando e y su famia.

Supuestamente, e prome email a acusa e eliminacion di neutralidad di internet, y consecuentemente Pai, di causa suicidio di un adolescente. E siguiente email supuestamente a haci menasa explicito di mata Pai y su famia, incluyendo adres specifico den y cerca di Arlington, Virginia. E email final tabata contene potret di e presidente y su famia.



E emailnan aki ta locual a conduci FBI na Man y su casa na Norwalk, California, unda el a wordo aresta juni ultimo. Man a bisa investigadonan cu

el a manda e emailnan for di e cuenta 'stubblemanliness@gmail.com' cu intencion di muestra 'mas duro'. Man tambe a bisa cu e emailnan tabata intenciona unicamente pa spanta Pai, y cu e no tabatin intencion di causa daño na


dje ni su famia. Despues cu investigadonan di FBI a yega casa di Man, documentonan di corte ta bisa cu el a 'reset' su celular na settings di fabrica, eliminando evidencia. Ora investigadonan a haya sa, Man a gaña

nan bisando cu ta un celular cu el a ricibi luna pasa, cual e no a set up ainda.

"Menasa di mata famia di un oficial federal pa motibo di un desacuerdo tocante politica, no unicamente ta inexcusable, e ta criminal", Fiscal pa distrito oost di Virginia, G. Zachary Terwilliger, a bisa den un declaracion. "E fiscalia aki ta muestra no unicamente cu nos ta tuma menasa criminal na serio, sino tambe cu menasa di violencia online tin consecuencia den mundo real." Desde cu Pai a anuncia cu lo elimina neutralidad di internet, el a cuminsa ricibi menasa. Pa seis luna siguiendo e voto di e comision, Pai a bisa Wall Street Journal cu e y su famia ainda tabata ricibi menasa, y cu e tabata rekeri seguridad 24/7 como resultado. E no a logra presenta na e Show di Aparato Electronico di Consumido na Las Vegas, un evento cual anteriormente e tabata atende regularmente, desde cu a tuma su postura firme contra neutralidad di internet.

Facebook desaroyando cryptomoneda na Suiza, segun reporte

ESTADONAN UNI (Cnet.com) – Facebook ta yegando mas cerca di desaroya su propio cryptomoneda, pa bo por manda bo amigonan. E gigante di rednan social supuestamente a crea un compania na Suiza, pa enfoca riba pagonan y blockchain, e tecnologia tras di cryptomonedan manera Bitcoin.



Un cryptomoneda di Facebook lo ta mara na e dollar Mericano, segun e publicacion Suiso, Handelszeitung a bisa, y pa e motibo aki por permanece stabiel, a diferen-

cia di Bitcoin, cu a cuminsa cay na 2017. Facebook a establece Libra Networks na Geneva algun siman atras, Handelszeitung a bisa, notando cu Libra ta e

number pa e proyecto interno di moneda digital di e red social.

E compania Suiso ta propiedad di Facebook Global Holdings II na Irlanda, e reporte ta bisa, y lo enfoca riba desaroyo di software y hardware pa funcionnan relaciona cu moneda, manera pago, blockchain, analitica, big data, y maneho di identidad. Facebook a nenga di duna comentario, pero e reporte ta bin despues di un storia di The New York Times na februari, cu Facebook tabatin un team di 50 persona trahando riba su moneda virtual, cu lo wordo uza riba e red so-

cial y su servicio di mensahe, WhatsApp.

E tempo ey, Facebook a nenga di comenta riba plan actual, pero a confirma cu ta trahando riba sistema di blockchain. "Manera hopi otro compania, Facebook ta explorando manera pa uza tecnologia di blockchain", e compania a bisa den un declaracion. "E team nobo aki ta explorando varios aplicacion."

Blockchain ta un tecnologia di encripcion cu ta construi un set di bloki di data, grabando transaccionnan y ken a haci nan. Ningun partido ta controla e data, cual ta decentralisa.

Rednan 5G por causa problema cu pronostico di tempo

ORANJESTAD – Pa lunanan largo, NASA y NOAA (National Oceanic and Atmospheric Administration) ta bin ta bati alarma cu e spectro wireless, cual e FCC (Federal Communications Commission) ta subastando pa uza pa rednan 5G, lo por interferi cu colecta di data uza den pronostico di tempo.

Presidente interino di NOAA, Neil Jacobs, a testigua na Capitol Hill cu e interferencia di e radionan nobo di 5G lo por reduci e precision di pronostico di tempo cu como 30 por ciento. El a bisa e House Subcommittee on

the Environment cu esaki lo resulta den residentenan costeño hayando dos pa tres menos dia pa prepara pa horcan, y lo por conduci na predicciones menos precies tocante unda e tormentanan mayor aki lo dal. Erornan asina den e predicciones aki por costa bida di hende, el a adverti.

FCC a cuminsa subasta e spectro 24GHz na maart, na companianan wireless cu tin plan pa uza esaki pa e rednan 5G nobo. E siman aki, senadornan demócrata Ron Wyden di Oregon y Maria Cantwell di Washington, a skirbi un carta pa FCC pidiendo pa e agencia stop di duna licen-

cia pa ganadonan di e subasta te ora por haya un solucion.

E problema ta bin for di e uzo di e spectro den e frecuencia di 24 gigahertz, cu ta hopi cerca di e spectro cu NOAA ta uza pa colecta data pa pronostico di tempo. NOAA ta uza e spectro 23.9 GHz pa colecta data di condicionnan atmosferico cu ta wordo hinca den su model di data. E preocupacion ta cu portadonan di radio 5G cu ta uza e spectro 24GHz lo interferi cu e sensornan sensitivo riba satelitenan cu ta monitor condicionnan atmosferico.

Baha e poder di e radionan 5G lo por preveni e interferencia aki, pero

Jacobs a señala cu e propuesta actual di FCC lo resulta den un perdida di 77 por ciento di data for di sensornan riba satelite di NOAA. El a bisa cu expertonan di FCC y NOAA ta colaborando pa bin cu un solucion, y el a nota cu e tabata optimista.

FCC no a duna contesta inmediato pa comentario.

Tin otro frecuncianan cu FCC ta mirando pa subasta cu tambe por ta problematico pa pronosticonan. FCC tambe tin plan pa subasta spectrum cerca di esun cu NOAA ta uza pa detecta otro condicionnan climatico, manera sneeuw y ijs, como tambe otro condicionnan atmosferico.

Premier Wever-Croes na E-Governance Conference 2019 na Estonia:

“Un gobierno mas digital lo ta menos burocratico, mas transparente y duna miho servicio”

ORANJESTAD - E siman aki Prome Minister Evelyn Wever-Croes lo ta atendiendo e ‘e-Governance Conference’ na Tallin, Estonia. Un evento pa lidernan rond di mundo cu tin innovacion den gobernacion como prioridad. E mandatario a wordo invita personalmente pa atende e conferencia aki y comparti Aruba su vision y plannan pa futuro. Alabes e lo ta miembro di un panel tocante e benefician di cooperacion entre paisnan chikito riba tereno di e-Governance.

Como parti di Prome Minister di Aruba su bishita na Estonia, tin varios reunion plania cu entre otro, Presidente di e Republica di Estonia, Kersti Kaljulaid; e Chief Information Officer di Estonia, Siim Sikkut; e Embahador Hulandes na Estonia, Karen van Stegeren; y diferente Ministernan cu tambe lo ta atendiendo e conferencia.

Participacion di Prome Minister lo pone Aruba riba plataforma internacional di e-Government y habri portanan pa colaboracion entre paisnan pa por tin acceso na mas recurso y asina acelera e



vision pa Aruba.

Prome Minister lo ta parti di un panel cu lo enfoca riba benefician di cooperacion entre paisnan chikito y e panel lo wordo modera pa Hannes Astok, kende ta Director di Estonia su e-Governance Academy.

Estonia ta conoci mundialmente pa tin un Gobierno completamente digital y ta disponibel pa comparti ex-

perticio y conocimiento cu Aruba riba e topico aki. E aña aki e ‘e-Governance Conference’ lo enfoca riba diferente ‘road maps’ y innovacionnan cu gobiernonan di diferente pais ta uzando pa yega na nan metanan digital, cu un atencion special riba cooperacion den e proceso di e transformacion digital. Delegacionnan di diferente pais lo ta atendiendo e conferencia aki, y tambe companianan cu ta ofrece solucionnan y cu ta

asisti den e proceso di implementacion.

Manera ya ta conoci caba, Gobierno di Aruba tin un compromiso pa transformacion den un Gobierno pro-activo, un e-Government, y actualmente ta finalizando un ‘Road Map’ pa defini e stapnan concreto cu mester wordo tuma den e prome fase. E Road Map cu ta den desaroyo cu ayudo di expertonan di Estonia y stakeholders local

ta incorpora diferente strategianan pa digitalisacion. Tambe lo inclui plannan di accion existente, maneho di futuro, y e vision cu lo acelera e proceso pa yega na un eGovernment. Un e-Government y un Gobierno mas eficiente y digital lo resulta den menos burocracia, mas transparencia y un miho servicio na nos comunidad. Esaki ta puntanan cu Gobierno a priorisa den e acuerdo di gobernacion ‘Hunto pa Aruba 2017-2021’.

Prome aniversario di Toastmasters Club Sin Limite

ORANJESTAD – Dia 19 di mei 2018 a funda e Toastmasters Club Juan Pablo Duarte, un capitulo registra na Toastmasters International bou di e number #6582738. Un grupo di 20

persona a sostene e iniciativa di Winston Tavaréz (Fundacion Dominicano) y Mireille Sint Jago (Fundacion Beulah Philips) pa un Toastmasters Club priva, na Spaño y Ingles,

ubica na e fundacion dominicano.

Un aña despues, e miembronan di club #6582738, ta contento di a logra e prome aniversario di nan club. Ora

cu Fundacion Dominicano Juan Pablo Duarte, pa motibonan imprevisto, no por a acommoda e Toastmasters Club mas, su miembronan a scohe pa sigui na un otro sitio. Algun cambionan den directiva a tuma luga y na november toastmaster Latoya Briggs, un estudiante den examenklas na EPB, a haya e confiansa den voto pa lidera e club como presidente.

Apesar di tur a cambionan, e miembronan di e toastmasters club aki a logra brinda su miembronan e oportunidad pa sigui cu e tareanan educativo. Ya caba e club a logra 6 di e 10 metanan educativo pa cu e aña directoral, cual ta caba dia 30 di juni.

Dia 9 di Mei 2019, durante un reunion extraordinario, miembronan a vota democraticamente pa un nomber nobo pa nan club y a scoge e sugerencia di secretaria Reina

Renteiras Reyes pa yam’e ‘Sin Limite Toastmasters Club’.

Dia 19 di mei, nos a celebra no solamente nos prome aniversario, pero tambe cu nos Presidente Latoya Briggs a cumpli su 19 aña. Masha Pabien Presidente Latoya!

Dia 1 di juli proximo presidente Latoya Briggs lo pasa e liderazgo di Toastmaster Club Sin Limite ora e directiva nobo sinta.

Den nomber di tur miembro, ta invita pueblo di Aruba pa yama of app 690-0099 pa por ta presente na e siguiente reunion di Sin Limite Toastmasters, cual lo tuma luga di ahuebs dia 30 di mei proximo di 7:15-9:00pm. Manera e lema di Toastmasters International ta bisa: “Where Leaders Are Made.” Nos miembronan ta dedica y motiva pa yama bo bon bini y hunto nos lo sigui padilanti y sin limite.





now open

ASHLEY FURNITURE HOMESTORE
LG SMITH MEGASTORE

VISIT US MONDAY TO SATURDAY: 9AM - 6PM AT:
AMC UNICON MEGASTORE
L.G. SMITH BLVD, 144 ORANJESTAD
Telephone: 521-1180 |  

 **Ashley**
FURNITURE HOMESTORE